



廣州府志

ル 5  
1212  
5



門ル5  
1212  
5



廣州府志卷十一

輿地畧三山川

山川二

東莞縣

王峯在縣治後其峯圓秀石龍脈自塹頭過東城角趨王峯  
縣治宅焉形家以其方名之縣廡清風樓枕焉宋咸淳間知  
縣趙寢夫增築為三

國朝知縣彭人傑卽其上建綠蔭亭據張府志東莞志參修

鉢孟山在城內南隅高五丈周圍二里有井其泉清冽鉢孟

二山相去百步許俱以形得名孟山高出雉堞俯視全城巔

有石如孟舊有書院據阮通志張府志廣東輿圖東莞志參修

道家山在城內西南高二丈周里許昔有道人修鍊於此故

名山巔有上清觀宋時道士崔紫霞自羅浮來居之鑿井得泉名紫霞泉上有鳳凰臺相傳有鳳集焉臺下有亭邑人結

鳳臺詩社於此四時游詠據阮通志張府志東莞志廣東輿圖參修

聖賢岡在城東郭五里為學宮後山據廣東輿圖阮通志參修

牛欄岡在城東即今學宮上多喬松蔚然深秀張府志

銅嶺在縣東十五里東莞志作東北十里高二十丈周三里上有塔一

云在縣東二十里榴花村宋邑人熊飛結義勇姚文虎力戰

於此每風雨如聞金鼓聲左為花溪右為銀塘有將軍別墅

飛自刻花溪銀塘四大字於石亂之復整人以為神據阮通志張府志

志廣東輿圖方輿紀要參修

神山在縣東二十里東莞志作四十里高五丈周一里有石狀類神居

民祈禱有應其陽為鼓鎮峽下有龍潭即龍江所經也潭旁

有二石鼓鎮故名水濱有許公巖絕險據廣東輿圖黃通志方輿紀要阮通志修

鼓鎮峽在縣東二十里茶山諸水匯於此前有二石鼓下為

潭有穴深無際歲潦輒有水花噴起相傳下為龍宮昔有漁

人沒入其處見一物金碧輝煌驚眩而出鄉人即其上建龍

王廟乾隆間邑大旱邑宰洪其哲禱而得雨於廟旁建酬雨

亭峽左為許公巖高十餘丈磴級崩劣下瞰龍淵巖為許公

所鑿內供大士及許公像依巖為亭旁有小閣以居僧宋邑

宰李巖創築東江隄勒碑巖中後至者欲磨其碑而鐫己功

一夕震雷裂碑乃止歲久裂碑亦失據張府志東莞志參修

石湧山府縣志作石涌在城東四十里高十丈周三里水中石如湧

出民多種桑木於其上環山皆水多香木一名石鐘據阮通志廣東

輿圖方輿紀要張府志參修

京山在縣東三十里有巡檢司署東莞志

欖山在縣東三十里明邑人林光築室讀書其上陳獻章嘗

訪焉有宿欖山詩張府志

銀瓶嶺在縣東六十里與惠州府歸善縣接壤箐密嶂深易

藪盜崇禎末土寇流劫鄉村實起於此東莞志

陽臺山在城東七十里山頂平行形如几案張府志

象嶺在縣東三十里茶園後東莞志

大林逕在縣東南三十里同上

深溪山在城東南四十里高十二丈周二里山有瀑布泉注

為溪溪上有然公菴據廣東輿圖阮通志東莞志參修

飛鷺山在城東南四十里高十二丈周二里流水環遶狀若

飛鷺廣東輿圖

馬迹逕在縣東南六十里逕中石有馬蹄迹邑宰孫學古有

逕上諭父老詩西北為楊梅逕東莞志

石獅山在城東南六十里頂有白石巉巖如獅子形又名白

石山山下有龍潭歲旱禱雨多應宋邑宰李巖於山下築鹹

潮隄據張府志東莞志參修

馬鞍山在縣東南五十里靖康場東又名雞籠山山腰有石

長丈餘俗呼雞鳴石同上

寶山在縣東北五十五里元和志東莞志作東南百餘里舊以山有寶置場

煎銀名石甕今山中銀滓猶存縣名寶安以此上有潭潭下

有石甕飛瀑注之奔響如雷高六十丈周六里相連為盧山

祈雨形白鷺置鐵符於潭中立應據元和郡縣志輿地紀勝廣東輿圖東莞志參修

謹案阮通云各志俱將寶山載入新安今據新安新

志註明此山不在境內自應從廣東輿圖歸入東莞

金牛山在縣西二里廣東輿圖云在城南門外高三丈周半里山勢岩堯下瞰海

水有亭在絕頂路皆攀緣而上名曰海月奇觀水光接天一

目千里輿地紀勝

石船山在縣西三十里上有大白石狀如船可十丈故老云

有村婦浴於石船後石為雷擊作三段高二丈周約二里

石船今無據廣東輿圖輿地紀勝阮通志參修

彭崗山在縣西三十里大清一統志作四十里高百丈周十里有水

簾飛瀑如珠昔有彭公居此因名上有觀音廟山巔飛瀑懸

瀉十餘丈狀若晶簾下垂一泉遶廟後左注於芙蓉澗旁有

一水來匯交流瀲灩音如琴筑上有田以供僧舊有古崗山

寺遺址尚存據張府志廣東輿地紀勝

駱駝嶺在縣西八十里以形似名輿地紀勝

望漢嶺在縣西南十里嶺南為山門逕據張府志東莞志參修

石鼓山在縣西南二十里高三十丈周一里餘上有石如鼓

沿山多石皆圍團可坐石上有文綵似龍鱗南越志其土有

亂則鳴昔盧循來寇隱然有聲循即敗據輿地紀勝廣東輿圖東莞志參修

大嶺山在縣西南四十餘里高五百丈周二十里紫霞泉在

其陰瀑布泉在其陽一云在縣西南三十四里疊嶂峻嶒青

入雲表俯視諸山皆培塿有石渠長八尺餘闊二尺石上有

人馬蹟飛泉注之成瀑布西流灌田二十餘里俗呼銀漕左

腋有峯特起如人端坐者曰西山林木陰翳蔚然聳秀上有

巖天生石牆自成門戶中有井水聲淙淙莫測其源前空處

廣十里許皆怪石曰掛榜曰龍珠曰馬鞍曰猪首瓌詭萬狀

賦形惟肖巖旁有洞畧容人行其深不知幾里面西山三十里而遙者惟東山入夜輒見燈影熒然故有東山燈火西山照之諺循山而南六里許有山如卧獅曰觀音山俗呼更鼓樓因巖為廟牆壁棟宇皆天成中吐石如舌長二丈餘即其上設大士像前有二石嶙峋對立曰蓮花石旁有泉泓然不溢亦不竭曰神仙井右折數十武有石鼓徑九尺長丈餘側卧二小石上去地四五尺勢甚危相傳應更而鳴後為雷擊遂無聲更鼓之名以此巖右巨石挺出平如砥可坐五六十人上有石斜覆之嵌空如墮上鐫披雲臺三大字萬曆甲辰括蒼子書其旁古木森陰迴蔭臺上巖後石峭削如屏者四蒼藤四繞瓔珞繽紛中一石作雲龍紋山巔有仙人床廣平如席隱隱有湘簟痕舊有仙枕今無存

據廣東輿圖  
東莞志參修

秀山在縣西南四十五里有大虎小虎山俗號虎頭門志云即秀山也宋景炎二年元將劉深攻帝於淺灣張世傑戰不利奉帝昺退保秀山明廖永忠下東莞次虎頭關今外夷入貢及使島夷者皆取道於此山在海中接新安縣界邑西南濱大洋天生諸山為門戶縣西四十五里斜亘海中屹若長城者曰闔西山或作斜又作蛇音之轉也去斜西十里兩山對峙隱若虎踞者曰虎頭山潮汐之所出入也為天南重鎮其東突起百丈者曰武山宋余靖嘗候潮於此明於山前設寨置兵戍

國朝移建於後二虎之南為大小橫當山二山門立洋船往來必經其下上建礮臺武山之內為石旗嶺

國朝新寨在焉

據方輿紀要  
大清一統志東莞志參修

濂溪山在縣西南四十里山巔有瀑布蒼厓中斷飛流舞空如雲已墜復起隨注成潭沿溪多五色石璀璨可愛水與石鬪率橫飛以入潭狀甚詭激第十潭當山之最深處石壁鐫紫虛洞天四大字楷法頗類顏魯公苔蘚斑駁名古刻相傳宋元避世者多結茅其中溪上有然公菴遺址尙存東莞志筆架山在城西南五十里靖康場慶林寺前三峯屹立海中如筆架狀卧象山在其後狀如卧象張府志海月巖在城西南五十里近大涌村俗呼金牛山高十丈周一里上有石井四時不竭井深六七尺窺之輒見風帆來往相傳爲海上倒影今無據廣東輿圖阮通志張府志東莞志參修曹幕山在縣西北八十里林陰蔚蔚大者合抱農隙採山如織百材於此取辦其南有石門崦峒高廣橫列如城高十丈

周一里

據廣東輿圖輿地紀勝方輿紀要參修

黃嶺在城南十里高百丈周五里峯巒秀拔草多黃色透池作展旗狀俗呼黃旗嶺山麓有泉出石罅闊二丈深尺餘味甘美名曰廉泉唐十道志嶺南名山之一曰黃嶺其山狀如卓筆透池而西下有廉泉一云在縣南五里諸山自惠州南下蜿蜒數百里池而西復折而東至此矗立三峯高百仞中峯秀出形如卓筆池邇東旋達於縣治邑學面之朝嵐暮靄常在几案間前爲青紫峰相傳舊有石鏡朝霞則青暮霞則紫宋通直郎陳應宸建亭其上遺礎存焉山麓有泉深僅尺許隆冬亢旱不竭瀕海水多鹹此獨甘淡邑宰張勳築亭登石榜曰廉泉令斯土者必酌焉上有廉泉菴今俱圯治之朝山亦祖山也俗稱爲文筆邑人九日登高於此據張府志廣東輿圖方輿



紀要東莞志參修

武山在縣南海柵之南一云在縣西南五十里高百丈周約

七里突起海中前立虎門寨據輿地紀勝廣東輿圖參修

三角山在縣南五十里接新安界九峰峻聳狀如蓮花一名

蓮花峯頂上有池不竭高百丈周十五里一云在縣東北六

里池中有石帶牡蠣殼相傳為靖康產蠟之瑞據大清一統志廣東輿

圖方輿紀要張府志參修

### 新安縣

董公山在城東十里亦陽臺之支山也高八十丈周一里上

有龍潭一云在縣東北龍井村據廣東輿圖新安志參修

黃木山在城東三十里高百丈周二里一名筆架山像其形

也三峯秀矗如海外之山可望不可即左有蟾蜍石鄉人於

此禱祀山來自梧桐第一支據廣東輿圖大清一統志新安志參修

塘坑山在縣東四十里張府志作七十里梅林逕上有七娘壇常祈雨

於此下有雷井天將雨先出雲山腰有石鑼石鼓叩之有聲

新安志

梅林逕在縣東梅林村後上有石板有大人跡長二尺餘寬

八九寸宛如人腳掌痕

真背山在縣東四十餘里一名大頭嶺康熙三年遷界故址

猶存

大帽山在城東五十里形如大帽由梧桐山迤邐南旋西折

高二百丈上有石塔多產茶在五都城東南三里為五都之

鎮俱同上

觀音山在大帽山帳內奇峯聳峙仰干霄漢頂有觀音廟在

城東南據張府志新安志參修

觀音逕在觀音山腰通林村大步頭等處新安志

石馬嶺在縣東五十里新安志作城東北石馬村後極秀麗張府志

梧桐山在縣東六十里有大小二山綿亘六十里多梧桐異

草頂有天池深不可測山腰有鹽田徑大石砌亘十餘里名

曰亭子步下有赤水洞其北有白面石巖深廣如廈外有甘

泉三峯秀拔周匝數十里山陰垂距東洋山陽延袤境內邑

之祖山也據新安志參修大清一統志

海沙尖山新安志海作梅在梧桐岡第三支高二百丈周二里一峯

插天峭麗如筆在縣東九十里據廣東輿圖新安志參修

梅沙巖在梅沙尖山麓天欲雨巖先響如雷張府志

鹽田逕在梧桐山腰石砌寬一丈許相傳元季邑人蕭觀庇

創造有碑記歲久湮沒至今稱亭子步新安志

凹下逕在小梧桐山麓下有佛化大聖廟同上

白面石巖在梧桐山北巖中空闊大者如屋小者如倉巖外

有水昔人避寇於此張府志

赤水洞在梧桐山下泉出赤水上同上

黎峒逕在縣東六十里通鹽田大鵬等處新安志

大步逕在縣東六十里通九龍烏雞沙等處張府志

馬鞍山在縣東八十里枕東洋形如馬鞍山腰有田數十畝

舊村久廢今復有家居者新安志

神山在縣東九十里瀝源村下山頂有石壁立甚高土人所

雨於此

大嶺山在縣東上水村後歲旱鄉人禱雨必應

扶地凹上水村往深圳通衢之路

三管筆山在縣東海中突起三峯尖如筆為大鵬分界山

黃坑山一名大王山

佛凹在縣東五都往來通衢

橫龍岡張府志作黃龍在縣東南二里許俱同上

掛角山在縣南三十里兩峯突起如角曰大掛小掛一名牛

潭山高百八十丈周三十里阮通志云掛角山一名桂角在

縣東南四十里山多老桂兩峯對峙其形如角故名牛潭山

又名鰲潭有雲即雨上有仙女梳妝石宋鄧符築力行書院

講學其下今基址猶存據大清一統志廣東輿圖阮通志參修

龍躍嶺在縣東南五十里一云在縣東五十里高百餘丈周

迴十餘里林木叢生下有溪水相傳有龍躍其間據大清一統志新安

新安志參修

雙魚嶺在縣東五十里上水河上鄉張府志作五都河向鄉兩山相並

如魚戲水新安志

官富山在縣東南七十里又東十里有馬鞍山脈皆出自大

帽屏蔽東洋在佛堂門內急水門之東鎮西向東周圍五十

里山之東有官富場宋景炎二年四月帝舟次於此殿址猶

存舊設巡司今遷入赤尾村據大清一統志廣東輿圖方輿紀要新安志參修

虎頭山在官富九龍寨之北亦名獺子頭怪石嵯峨壁立插

天其下凹路險峻難行乾隆壬子士人捐貲砌石較前稍平

坦據阮通志新安志參修

謹案張府志云虎頭山在東莞誤

九龍逕在官富山側新安志

九頓山在縣東南一百里新安志作縣東一百餘里從山麓而上連頓九

阜至頂平曠自縣至大鵬所必由之路相近有葵涌山多生

水葵大鵬路嘉慶十二年邑人李濬光紹光捐石砌平十餘

里山溪架橋置亭為行人憩息之所邑令李維榆有記舉人

侯倬雲誌其事據大清一統志阮通志新安志參修

大鵬山在縣東南山脈自羅浮來狀如鵬舉一名七娘山其

前又有老大鵬山在海中又東有陶娘山去城一百三十里

接歸善界抱拱如城內容艘幢數十艘今壘石塞之在縣東

一百六十里張府志作一百二十里今案程改正名七娘山者相傳有仙女七

人遊此七娘山大鵬所鎮山也以其如鵬踞海故名其地有

龍潭鹿湖半塘石室危石高峯飛瀑諸勝龍潭石上刻川嶽

鍾靈四字陶娘山在大鵬東南抵惠州界龍岐山在大鵬海

邊據大清一統志新安志參修

逕心凹在大鵬凹道險隘嘉慶間監生歐陽銓捐石砌十餘

里邑令汪鼎金有利及行人匾額題贈新安志

西向逕在大鵬東抵歸善界同上

羅隱巖在大鵬洛格洲石上詩刻半存張府志

仰船洲山在城東南洋海中形如仰船新安志

沱瀟山在城東南洋海中去縣二百四十里

了髻山在縣東南大井村側兩峯並峙相距百餘丈中平如

衡下有鄧符墓

錦田逕在縣東南錦田村後通蕉逕同上

文岡山在城東北五里新安志作三里一名尖岡高四十丈周圍

二百丈陽臺支山也廣東輿圖

陽臺山在縣城東北三十里張府志新安志俱橫亘五十里

高約二百丈中梧桐山發脈為縣城座山山頂平行形若几

案有龍潭祈雨即應下有烏石巖其南支有董公巖去縣十

里山下有祇園庵據張府志新安志參修

烏石巖在陽臺山之下內有石巖三面東缺一面頂上有大

石可作牆鄉民祝曰惟願此石可直四面周圍無缺矣是夜

神助即移此石補之石痕猶存張府志

柑坑山在縣東北四十里高百丈延亘四十里多產赤竹猺

人居之與太平嶂夾水並行項背相望在七都據大清一統志廣東輿

志新安志參修

畫眉山在縣城東北五十里樟坑逕側多畫眉鳥新安志

樟坑逕在畫眉山側通七都路同上

太平嶂山在城東北六十里在七都延袤二十里高百二十

丈山形遠望如嶂為東莞交界據廣東輿圖阮通志

七仙山在縣北太平障內有一大石生成七仙鄉人祈雨即

應新安志

廬山在縣東北一名百花林其山絕險上有潭潭僅通線路

山內有田可耕常為寇盜所據昔於山前置寨今廢裴淵廣

州記云東莞有廬山其側有楊梅仙桃只得於山中飽食不

得取去如取去即迷路據大清一統志寰宇記參修

謹案阮通志云廬山即廬山亦作廬山蓋廬廬廬三

字聲音相近可通假也張府志山在城北八十里新

安志在縣北八十里郭志作城東六十里皆誤

羊凹山在縣東北九十里新安志接東莞縣界有仙歌巖口

甚小而腹空洞可容數百人在七都巨石疊成峒據張府志大清一

統志參修

西鄉凹山在縣東北一百五十里新安志

石壁逕在七都疊福逕在七都疊福村近海竹頭逕在七都

抵東莞界同上

黃金洞在縣西三都多黃石其北為藥勒村有湯泉大清一統志

佛子凹在二都三都交界新安志

梅蔚山在城西南一百里張府志新安志作在城東南百里前護縣治後障

東洋叢生林木孤懸海外一云在縣南百里大海景炎二月

宋帝南狩幸此今有石殿舊址據方輿紀要廣東輿圖參修

三牙牌山在縣西南海中去縣一百二十里阮通志

大鐘山在縣西北四十里其南為鳳凰巖巨石嵯峨廣數丈

洞徹若堂室相傳昔有鳳凰棲其內上有龍王壇最靈異下

有黃孝子祠據大清一統志新安志參修

參里山在城西北四十里坐南拱北方廣五里一云在舊寶

安縣東北南越志寶安縣東有參里縣人黃舒者以孝聞於

朝華戎慕之如曾子改其里曰參里也據廣東輿圖寰宇記參修

謹案阮通志云東莞縣東晉為寶安地今新安縣明

萬厯初析東莞縣地置

鳳棲岡在參里山之南形如覆杓昔傳有鳳凰棲其上張府志

茅山在縣西北五十里高七十丈延袤三里有大茅小茅兩

峯峭秀據廣東輿圖張府志參修

平地頂山在縣西北五十里燕村側山上平曠瀾海特朝中

有禾花娘壇甚靈異新安志

杯校山在西北海中同上

石龍山在縣西北六十里高七十丈周圍二里巨石峻峭狀

如獅踞虬蟠有李竹隱精舍在山之巖據張府志新安志參修

南山在城南七里高七十丈周五里秀拱如屏海濱上有雙

石塔觀音寺有石似仙人足鄉人多祈雨於此有泉澄清可

愛據廣東輿圖張府志新安志參修

杯渡山在城南二十里高峻插天一名聖山高二百丈周三

十里有二石柱高五丈相距四十步世傳有杯渡禪師渡海

來居東莞舊志山在縣南二百八十里即屯門山也枕居大

海遠望黃木灣正相對韓愈詩乘潮簸扶胥近岸指一髮屯

門雖云高上映波浪沒即此南漢大寶十二年封為瑞應山

今有瑞應巖虎跑泉又有滴水巖杯度菴虎跑井又名羊坑

山據大清一統志輿地紀勝廣東輿圖張府志參修

靈渡山高二百丈周圍十五里勢絕高峻與杯渡山對峙海

濱舊有杯渡井亦禪師卓錫處在縣南三十里據廣東輿圖張府志新安

九逕山在縣南四十里下臨屯門澳明海道汪鉉帥土人殲

佛郎機於此新安志

紅水山在城南五十里周十餘里昔傳土人於此遇賊殲焉

坑水盡赤故名上有龍船石二各長二丈許一仰一覆叩之

聲如洪鐘其坑水流十餘里田獲灌溉

七星岡山在城南五十里圓秀如七星羅列故名其山如獅

中有天后元君禾穀夫人廟祈雨甚靈驗俱同上

大奚山南海志在東莞海中有三十六嶼居民以魚鹽為生

一曰碣洲古為急水佛堂門之障周圍二百里一名大漁山  
有異鳥見則大風生亦名大嶼山據輿地紀勝南海古蹟記  
廣東輿圖阮通志張府志

新安志  
參修

謹案阮通志云舊志大奚山多鹽田宋以為李文簡  
食采今仍之此事無可考或者大奚山有文簡自置  
鹽田其後子孫因以為業耳

鳳凰山在大奚山障內有神茶一株能消食退暑不可多得  
士人於清明日採之名鳳凰茶雙峯插霄形如鳳閣頂有小

石祈雨多應新安志

老萬山在大奚山西南過於大奚山在南洋海中海面屬香  
山其西礮臺係大鵬營撥防林木森密昔為賊巢據廣東輿  
圖新安志

修參

大小磨刀山大小新安志作上下壁立海中周圍一百丈近大奚山廣東

輿圖

南亭竹沒山在萬山南周圍數十里內有盧亭相傳為盧循  
之後能入水捕魚鮮食以棕葉竹籬為衣

獅子嶺在六都龍塘村側里許有一石屹立崢嶸雲掛即兩  
康熙年間移縣分界在此煙塹故址猶存又名煙塹嶺

零丁山在赤灣前海中距城二百里高一百丈周圍五里四  
面環海下為零丁洋俱同上

龍鼓山在縣南洋海中新安志

赤柱山在縣南洋海中延袤數十里諸山環拱為外海藩籬  
有兵防守

蒲苔山在縣南洋海中



白石牌在南頭海濱與烏石牌相對烏石牌亦在南頭海濱

張府志

淺灣山在縣南九十餘里新安志

城門凹在六都通淺灣

馬路逕在六都水逕村側通清湖路

打鼓嶺在六都俗傳風雨夜聞鼓聲

鴉洲山在大步海中其形如鴉

三杯酒山在大步海中如三杯浮海面故名

雞婆山在九龍寨東南怪石嶙峋昔土寇李萬榮駐此以掠

商船

白鶴山在九龍寨西北上有遊仙巖巖下三小石如品字上

盛一巨石高約六七丈廣約三丈餘壁立難升石頂有棋枰

棋子至今猶存石北刻遊仙巖三字第年遠字稍模糊昔常有白鶴一雙棲止石上故名

旱堂當風二凹在廣惠交界處明隆慶間東寇連年西掠多

由二凹出沒俱同上

了洲山在海中張府志

雷公嶺在灣下村後新安志

大龍岡在周家村下

公凹在留仙洞側通白芒風門凹一在黃田村後一在新田村側

黃蘆逕在四都蓮花逕在四都往來官路抵東莞界

莆隔逕在莆隔村左通平湖路

大髻婆山在城北三十里近陽臺山形似大髻因名俱同上

寶山在城北八十餘里上有潭潭下有石甕二飛瀑注之奔

響如雷昔寶安以此得名今入東莞據張府志新安志參修

從化縣

石鼓樓山張府志作石鼓樓臺在城東三里黃通志作城南高四丈周二里其

石層疊下有潭有石穴大如屋溪水匯注衝擊有聲因名又

名鷺形嶺有盤石特起登之則一邑形勝盡在目前矣知縣

邢惟高建亭於其麓名曰濟川據廣東輿圖方輿紀要大清一統志阮通志從化志參修

中心山在城東三十里在韶洞之東下有曲水前有鬚頭嶺

中有流泉三級下注於溪據廣東輿圖大清一統志參修

水亭山在城東五十里有石逕可上其巔有楊溪洞廣十餘

丈上有石長數十丈負出如船下覆洞穴有藤生焉又名水

藤山藤液如注食之可以已渴據廣東輿圖從化志參修

韶洞山從化志作韶峒在縣東五十里亦名王任嶺下有帶水在大

石坂中洞左有黑石如屋其下流水繞之蒼藤古木蔭映百

畝其陽有韶山精舍黎民表之草堂在焉據大清一統志張府志從化志參修

鳳凰嶺在城東五十里雲興則雨其陰有金井泉世傳曾有

鳳鳴於此又二十里曰雞啼石高一丈五尺相傳自他處飛

來遇雞啼而止據廣東輿圖從化志參修

猿啼嶺在城東五十里高三十丈周圍二十里山多猿穴通

增城界廣東輿圖

九珠嶺張府志作山在猿啼嶺東左右多青石下有六甕小甕二

潭大清一統志

黃州府志

卷十一

輿地畧三

六

雙鳳山在城東南四十里高一丈周圍百里雙峯並秀亦名大小鷓鴣山通增城縣界城內外以此二峯為朝山據廣東輿

圖從化志參修

北山在城東北五十五里張府志作城東六十里高三百丈周百里接

龍門界三峯峻拔上入雲漢山巔有瀑布下注龍潭山半池

北有蘭和峒延袤數十里登者窮日之力而後至上有仰天

池冬水不竭相傳有仙蹟靈巖嵒人多種藍為業據廣東輿圖大清

一統志阮通志張府志參修

五指山在縣東北一百里廣東輿圖作城北五峯相連如指東通龍

門北通英德高三百丈周百餘里與北山相連據廣東輿圖大清一統

志阮通志參修

風門山在城西二里高七十丈周圍三十里舊名楓梅嶺其

陽有觀音巖月嶺其陰有劉仙巖黃石洞劉仙巖相傳劉氏女於此上昇是多積米之窳其米色如墨而不腐謂之仙人

糧遊人多得之以養生黃石洞相傳仙人常居此多產紫芝

又呼為香水瀧水盂出其半有積水常不竭據黃通志阮通志廣東輿圖

大清一統志張府志從化志參修

圍腦山在城西十里其上有仰天湖又西為三將軍山三峯

屹立威如武士其側為燈盞石宋人避亂之所據張府志廣東輿圖參修

武臺山在縣西南四十里廣東輿圖作城南兩峯對峙大清一統志

蜈蚣山在縣西南四十里有三十餘節形如百足其麓有鐵

場坑相傳舊嘗於此煮鐵又南曰疊翠瀧據張府志大清一統志黃通志參修

龍潭山在縣西北三十里廣東輿圖作城北四十里下有龍湫繞出三四

里許皆石澗清泉分流至縣後溉田數百頃高一百餘丈周

圍八十里歲旱禱雨輒應據張府志大清一統志廣東輿圖參修

百丈帶山在城西北四十里張府志作高百丈周百里有泉

白山巔飛下分為兩道望之如帶山泉兩道下匯為深潭潭

出淺處為流杯池兩帶飛流有上下二級潭深不可測淺更

為池可以汎觴其中多香蘭異草據張府志廣東輿圖大清一統志阮通志從化志

參修

多角嶺在城南五里高三十丈周圍二十里為邑之水口山

兩溪匯此合流於下其上建浮屠即今天妃宮據張府志廣東輿圖從化志

志參修

月嶺在城南形家以為西江月分乳嶺縣南十里形如金甌

與縣治相對張府志

獅子嶺在城南三十里高二十丈周圍二十里一首仰視如

獅子其旁有小圓岡如毬名獅子毬上有室堂相近有西嶺

張府志從化志多奇石可為柱礎上有池不竭又有石學堂多

萬年松異草又雨過螺岡六十里曰帽峯其上有廟靈應如

神據張府志廣東輿圖大清一統志參修

青幽山在城南六十里高七十丈周圍五十里樹木森翳接

連雙鳳山其陰有仙人足跡因名仙壇又南曰銅鼓嶺又六

十里曰秋楓山張府志八十里曰武臺山兩峯相連形甚峻

削據廣東輿圖阮通志

雲臺山在城北三十里張府志高一百丈周圍六十里山巔

平衍如臺常有雲氣覆之旁有洞穴可容三百餘人中多題

留石刻據廣東輿圖大清一統志阮通志從化志參修

廣州府志卷十一

輿地畧三

東嶺在縣北六十里其山四圍旋繞僅一石徑可通人行謂

之木鷲徑高峯密林上蔽天日凡半日許乃得平處自此入

為流溪之地其上有古墓據大清一統志參修

高雲紫草山在縣北七十里張府志作城東甚高峻望之光如赭霞

多奇草木據黃通志大清一統志參修

鷹嘴山在高雲紫草山東其巔有石曰燕石遇雨時若飛舞

阮通志

黃燾嶂在城北一百里張府志作縣東形如展燾故名廣東輿圖

插花嶺在縣北一百里張府志作去縣二百里峯堯卓出俯視羣山其

上草木蓊叢若插花然又曰桂峰其上多桂樹據大清一統志阮通志

從化志參修

大傘嶺在城北一百二十里高約二百丈長六里寬二里采訪

冊

觀音巖山在城北一百五十里高一百八十丈長八里寬二

里有石巖中安坐觀音神像

十八山在城西北六十里高約二百丈長十里寬四里高起

十八峯故名

馬鞍山距城北一百四十里高約一百丈長十二里寬六里

形如馬鞍因名俱同上

龍門縣

七星岡在城內平原突起大小相聯若天之七星縣治在山

隈隩處後山圓翠名樞精岡為縣中樞故以名之從西南透

折起一圓嶺在學後名璇岡又自學後拖轉而西起一圓嶺

曰璣岡臨河而止又自樞精岡東出而南起一圓嶺名權星

岡復轉而北起一圓嶺名衡岡自北透折而東北起一圓嶺在城隍廟後名闔陽岡自廟後折而東起一圓嶺名搖光岡

珠聯不斷故云七星據廣東輿圖阮通志龍門志參修

鳳凰山在縣北五里高百丈周八里雙巒並峙狀如鳳凰又似了髻俗呼了髻山又名幼女嶺為縣後護據張府志廣東輿圖阮通志參修

捲龍山在城東北八里高四十丈周五里近八字山與鳳凰山對峙山形陡峭極頂平曠又東北二里有八字山其土細潤可為瓦器又東北有鐵坑山在簷村堡面鳳凰而若揖陡削森聳蒼翠菁葱四面望之變態不一其極頂平曠處中有虛洞以為神仙窟宅云據廣東輿圖大清一統志阮通志張府志參修八字山在城東北十里高百丈周八里廣東輿圖

蝴蝶雙山在城東十二里高七十丈周圍七里望之林巒對峙翩翩若舞在西林都自縣治拏舟而下人指為雙蝴蝶稍久澗洞望之瞬息間色態迥異據廣東輿圖張府志參修

屏風石在城東十五里屹立平原一方屏障廣東輿圖神仙巖在城東十五里即仙石巖石高二十丈下有空洞中有石磴可坐百人旁通一孔可行一人怪石嵯峨周圍十里據廣東輿圖黃通志張府志參修

帽子峯在城東二十里高百丈周圍九里廣東輿圖麒麟岡在城東二十里高三十丈周圍六里相傳產麒麟於此故名在大坑王賓二鄉後鎮據廣東輿圖張府志參修

應石在縣東二十五里枕河之涯外實中虛舟楫往來叫笑相應故名黃通志

和尚巖在城東三十里高二十丈周三里有石菴一所可坐

五十人菴門外有石如醉僧倒卧廣東輿圖

陳峒山在城西六十里高六十丈周圍十里勢如卓旗山側

有小阜突出有石菴石佛黃通志

虎獅山在縣西北五十里張府志作縣西五十里高五十丈周圍十里

形若虎獅對峙山有飛泉下注蛟穴流至縣東五里為白沙

水引流可以溉田有路名虎獅徑據大清一統志廣東輿圖方輿紀要阮通志張府志參修

藍糞山在縣西北一百里廣東輿圖作城西百餘里周十里有水東西分

流東連鐵岡高明諸水源大清一統志

將軍嶺在城南十五里高二十丈周圍四里廣東輿圖

油柑嶺在城南二十里高八十丈周圍十里高下盤曲綿亘

十餘里陸行出增城往來要路據廣東輿圖張府志參修

雙石山在縣南三十里二石屹立有仙人洞高五十丈周七

里有石牀石竈石白石井泉從井出大旱不竭多花椒石可

燒灰糞田仙人洞在縣南天柱嶺上洞可容二百餘人據大清一統志黃通志張府志參修

蓼溪嶂即招賢嶂在城南三十里高百仞周圍三十里上有

池曰卧鹿方二丈隆冬水潤不竭招賢峯在縣東南三十里

引脈羅浮為縣治前障據廣東輿圖張府志參修

彭祖嶺在城南三十里昔有彭姓年百歲者棲遲其下因名

志郝通

望雲嶺在城南三十三里上有草木下有射臺白雲覆之九

林諸水經焉下有九林水灘天時晴明亦有雲氣覆其上據廣

黃州府志卷十一 輿地畧三

東輿圖方輿紀要參修

謹案方輿紀要此山在增城縣北百七十里今據輿圖及各志所載入龍門

天嶺山在縣南六十里高千仞為一邑之望一名指天嶺廣

輿記在金牛都東埔二村之重鎮據方輿紀要阮通志張府志參修

青帽峯在縣南四十里其山聳如帽形明淨則晴雲籠則雨

張府志

聖礫嶺在城南八十里高百丈周圍十二里上有喬木中有

石磴流水九曲注為飛泉百十丈下有深潭不測歲旱以紅

鐵投之則霖雨驟至為一邑勝概邑人時攜酒往遊以浮杯

逐暑為樂至有猿鶴戲人而投以木果者云據廣東輿圖張府志參修

虎跳石在縣南三十餘里河水中兩石相對高丈餘上有虎

跡深四寸許下有深潭名虎跳潭張府志

仙女石在縣南六十餘里高六十丈周圍六里秀拔參天兩

石相拱如人形絕頂花木芳菲紫蘇蒼苔下垂兩府恍若鬢

髮山腰有石鼓踏之有聲

雞化石在縣南一百里抵增城界石上雞跡顯然俱同上

天柱嶺在縣南一百里高數十仞周圍十里上有石牀世傳

絕巘有羅隱題蹟廣東輿圖

岑曙嶺在城南百里一名岑曙洞高五十丈周十二里中有

西雲會仙二洞飛泉可以流觴

仙歌嶂張府志作障在城南一百餘里高百丈周圍十二里尖秀

與天嶺山並峙世傳有仙遊歌於此

東澗山在城南一百餘里高約六十丈周圍十里層崖疊巘



飛泉漱石多禽鳥草木之異並同上

桂峯山在縣北七十里山中多桂樹花時香聞十餘里清一大

統志

石馬山在縣北八十里縣境諸山此為最高石磴森列旁有

五石名童子讀書石五石宛如童子石臺石磴森列平敞據

大清一統志 郝通志參修

白牛巖在城北八十里高數十丈周圍十里巖俱白石望之

如堆雲在高明崗山據廣東輿圖阮通志張府志參修

交牙石在上建溪之最險者張府志

新甯縣

烽火角山在城東五里上有礮臺下臨大海奇石巉巖每歲

三月士人登此觀魚躍春波亦勝地也張志

文徑山在縣東八里新甯志作東南八里四面環峙又縣東三十里有

石鼓山有石擊之作鼓聲大清一統志

鳳凰潭山在縣東三十里層巒重巘不可名狀潭源出瓶峯

山南迤東流石上飛練注激瀦為深潭天將雨潭鳴如雷聲

聞數里將晴亦如之石壁峭立多異蘭弔鐘花蔚萼馥藹四

時不絕新甯志

百峯山在縣東四十里與新會之古兜山相接峯巒百計巒

獠所出沒也下有石板潭獸多獐鹿木多松栝有峯曰湯瓶

嘴花多弔鐘春初漫山如淡霞又如桃花迫視之始知為弔

鐘也據方輿紀要 大清一統志阮通志參修

瓶峯山山高六百餘丈特出羣峯有泉自峯北東流石中可

十數里注為蠻陂未至蠻陂數十步小澗南轉古松虬屈高

數丈老藤繞其本達於杪翔舞如龍負子升天然新甯志

五顯山在縣城內東南張府志

連珠山張府志在縣東南三山連峙巒若貫珠一在城內二

在城外其在城內者曰東山宏治間開縣建城其下明史所

謂上坑萌也縣東一里曰連珠山有三岡如連珠其西曰寶

鴨山與三台並峙又南為牛牯臀又南迤西為蚌山縣之中

山也據方輿紀要

五指山在縣東南二十里形如五指故名新甯志

銅鼓山在縣東南一百里新甯志作層巒疊嶂俯瞰大海風

濤觸石聲如銅鼓下為銅鼓海東出飛鷺峯據大清一統志

曹沖山在縣東南一百二十里一尖獨卓為南峯山之最新甯志

白蕉山郝通志在縣東南一百六十里層峯聳秀石出海

際望如堆雪又迤北為田頭又迤北為沖金又迤北為松子

嶺又迤北為飯蘿岡縣之東南境也據阮通志

馬頭嘴山在城東北一里餘上帝壠山在城東北上有真武

廟山本低於諸峯而遠望獨高以帝所居故特出云亦奇事

也張府志

石人山在縣東北三里新甯志作五里山巔有石卓立如人又名石

化山中有猺寨高可一百十丈周一里北有數石峯如門如

屏如睡鴨如伏獅又如天半碧蓮故又名石華山明兵備王

大用射三矢於石以示武泐之曰石化山據阮通志大清

新甯志

鳳山在城東北三里亦名更鼓樓山上有二石一如魚擊之

作鼓音一句股如磬擊之作鐘音故名廣東輿圖云城東三十里有石鼓山疑卽此誤脫一北字衍一十字耳新甯志中窟山在縣東北二十餘里有龍樓鳳閣之勢縣城發脈於此舊志作鐘佛聲之訛也

雷公嶺在縣東北三十里雲蒸其上卽有霖雨俗以爲驗故名

塔腳山在城西門河外凡七級級六達皆窻明萬歷間知縣王尙賢建俱同上

天馬山在城西五里寨龍發此上有石遠望如背子俗呼背子石下有仙人井張府志

紫霞山在縣西七里臨紫霞海一名西華山又西二里有了髻山一云在城西十里有紫霞繞其上故名新甯志

了髻山在城西九里新甯志作城北二十里高五百丈周圍六里狀如

丫髻上有奇石石上有小池四時不竭廣東輿圖

那西山在城西十里一名西華山新甯志

孔公嶺在縣西二十里狀如卓筆俗呼朱洞尖據郝通志新甯志參修

麒麟角山在城西南二十里橫抱寨城遠望有石如帆又名

駛風石張府志

展旗山在城西南三十里潮境側峻絕如展旗雄鎮一方據廣東輿圖新甯志參修

百足山在城西南五十餘里形如百足故名綿亘十里相傳

有文天祥祖墓山之西北爲開平東南爲新甯新甯志

石榴花山在縣西南五十里山石巉巖如榴花形故名其山

高聳爲矧崗之望

黃竹腦縣西祖山也東為馬山在城西南八十里形如瘠馬鬃鬣稜稜上有丞相陸秀夫墓

牛圍山在城西南百里高與大隆山相埒上產茶生石上者尤良蜿蜒二十里其下為大隆洞

鷄籠山綿亘十餘里峭壁摩空飛瀑直瀉山下四圍深澗產異石紅者如瑪瑙白者如水晶黃者如栗尤佳大雨後人往採之光如琥珀名曰蠟石得之者雖良玉不易云俱同上

大隆山新甯志作隆逕在城西南一百二十里高六百丈周二十里

峯巒疊聳與牛圍山相望徑路深阻中有猺寨據廣東輿圖阮通志新甯

上弓嶺在城西南一百三十里形如彎弓故名嶺上有青雲寺寺旁有石路橫亘五六里其平如砥相傳寺中老僧懷止

以石甃成朝夕不輟有勞之者即止越日而後甃或助之去即掘之復自手甃無一崩陷者間有缺處後人補甃終不如

其完固也其近地如荷木堡逕白飯逕小逕皆懷止手甃累數年而後成嶺上又有茶亭臨崖峻絕樹木陰翳乾隆二年

知縣王嵩建為往來息肩所行者便之新甯志紫蘿山在城西南一百四十里山發脈於恩平縣鳳凰山鳳

凰山南為鷺公腦東為白雲石山鷺公腦東南為那山由鷺西屬恩平東屬新甯公腦至小洛墟始入邑界又南為紫蘿山阮通志紫蘿山一

名瑞靈山又名煙蘿山在陽江城東南九十里接新甯界高四百餘丈周六十餘里唐時有紫光燭天都郡白其事敕置

院開山開石龕得經一函曰大佛名經有古碑存焉同上龍溪山在城西南一百六十里方輿紀要作縣南百六十里山險峻上有

石室深廣數仞相傳劉仙姑蛻骨於此龍溪山南為那琴又南為娘澳又西為平提又西為大澳新甯極西之境也龍潭廟地南為望岡又南為席帽山又南為茶山縣之西南境也

據方輿紀要新甯志修

蛋家山在城西北一里舊為蛋民灣集之所

張府志

蠓石巖山在寨西北十餘里山上有牡蠣房

同上

鎖衡山在縣西北二十里下瞰法竹洞橫截溪流為邑城鎖

鑰

新甯志

南灣山在城南橫抱寨城透連海中一二里

張府志

黃蛇型山在城南十里迤邐橫列為邑城前屏

新甯志

玉懷峯在縣南二十里下有溫泉又名米碗尖

據郝通志新甯志參修

甘蔗山在城南八十里高五百五十丈南臨廣海西接大隆

山上有草味如甘蔗故名明梅高節墓在焉

據廣東輿圖新甯志參修

雞籠山亦名天馬山在縣南八十里山巔有蠓壳巖橫闊二

三丈懸崖絕壑峭壁巉巖飛瀑下注多產幽蘭

新甯志

廣海城山縣之南境也在縣城南八十里由蛋家山蜿蜒至

海濱築城其上南門灣尤擅勝觀東門外有靈湖寺寺有菩提

樹大可數圍高六七丈相傳梁天監元年有智藥三藏自

西竺航海而來手植於此

同上

上川洲下川洲在縣南二百六十里大海中其洲帶山灣浦

極廣出煎香有鹽田土人煎鹽為業在新會西南海中宏治

中割屬新甯相近有大金小金二島又西有潯洲島一云上

川山多香蠟竹藤居民煮鹽者取木於此下川山亦有香蠟

竹藤之利居民以賈海為業下川山相近者曰海晏村洪武

四年海寇鍾福泉等挾倭船寇海晏下川官兵追討至陽江平之於是徙二山居民入內地山遂荒廢

據方輿紀要寰宇記明一統志新甯

志參修

後山在縣城內北門之左遊戎署後

張府志

挺秀山在縣城內北門之右奇石嶙峋下環居民多鍾秀氣

同上

三台山在城北一里為縣王山高百丈周圍一里許三峯聳

秀象若三台連珠列其東寶鴨出其西一名上坑山

據方輿紀要廣

東輿圖黃通志參修

白蒙山在寨城北綿亘數里

張府志

旗壇山在城北十里

同上

蠓冲山在城北二十五里其支山游魚尾有明司禮監墓

新甯

志

斗山在城北三十里孤峯圓潔如斗環繞而居者名為斗洞

據廣東輿圖新甯志參修

流波石縣之東北境也在城北三十里中流矗立潮長不沒

又名太監石

新甯志

潯洋山在縣北四十里峯巒高聳俯瞰潯江左曰仙女峯上

有石室下有石壁數丈瀑布緣壁而下光濺如珠其左有仙

妹峯世傳仙女劉三妹所居石菴內有麻籃水孟二石諺云

好唱莫如劉三妹好打莫如朱光卿皆以絕技名也蓋三妹

善謳不嫁修道於此遂仙去云有草開花如錦名曰映山紅

他山皆無之俗以為仙花山與蘇渡相去里許環繞如帶仙

女峯一名鳳山在城北三十餘里有深澗泉極清美澗旁

有書齋陳獻章嘗講學於此遺址存焉據大清一統志黃通志新甯志參修

岡背山在城北四十里斗水潯江環繞其下上有神石土人

祈禱多應新甯志

北門逕為獅子山與新會接界三叉松西有溫泉溫泉坡外

為開平界灌田東北為夫人逕逕西南為白象寺山逕北為

鳳山又東為蟹山又迤北為牛山又東北為虎山又北為鵝

山縣之右臂諸山也同上

赤溪廳以赤溪堡居東面為扼要之區西以田頭為門戶北

以磅礮為門戶南以銅鼓為門戶東南以漕沖為門戶層巒

疊嶂互相護衛采訪冊

東坑山頂為土客分界水歸北者為土界歸東南者為客界

同上

赤溪山即磅礮洞之南邊山由鼠籠山發祖一支橫西開嶂

而去一支橫東開嶂而去赤溪在分水凹東氣南行即廳西

蜈蚣山紗帽山飛鷺山觀音山三環山遠而特起漕沖尖山

文筆挺秀為廳治象山祖一由漕沖尖發祖結廳東南方山

腰古山衫頭山大傍山銅鼓山一由漕沖尖發祖結廳西南

方亞漢髻山洋梅村大小蘇村之魚塘山大小蘇山又由鼠

壤展開而西為廳治西方分界山又由鼠壤東展開東屏至

廳治落龍之祖名鷓歌髻山實為廳治落脈土屏嶂山形似

大象捲鼻俱同上

增城縣

鳳凰山在城內南隅輿地紀勝本名春岡宋熙甯七年有鳳

凰來集因名其東北曰龜峯一名登高峯為縣後主山稍西

曰鶴峯為學宮主山其陽有菊坡亭萬壽寺上有鳳凰臺據

大清一統志廣東輿圖參修

謹案鳳凰山輿地紀勝作鳳凰臺云在增城縣治之

西

龜峯在城內東北縣治之後城跨其上遇重九則邑人登高

觴詠於此張府志

鶴峯在縣署西北學宮後城跨其巔舊植松數百株望之鬱

葱有佳氣林間建亭下臨學宮同上

蕉石嶺增城志作焦石在縣東五里高三百丈盤踞十餘里多崇巖

怪石又三里有飛泉洞水從石罅中出縈迴百折又七里有

鳳凰岡又十里有歐陽嶺接羅浮山麓一云縣治東對江六

里張府志作三里為縣治左輔山巨石嶙峋有石叩之鳴聲如鐘名

石鐘谿其下有泉水最清冽舊有歐陽氏居此據大清一統志張府志

增城志參修

浮碇崗在城東五里其色赤與羅浮相望圖經云浮山自海

上浮來合於羅山此崗若浮山之碇又五里為百家山上多

竹可容百家方輿紀要

荔枝分水坳邑治東十二里乃增博分界處舊志作歐陽嶺

增城志

鳳凰岡邑治東十五里舊傳有鳳凰鳴於上故名有鋪亦名

鳳凰鋪同上

羅浮山增城縣有羅浮山在城東二十五里山本博羅以連

跨東莞增城而增城較近縣外輔也一云縣東北三十里與

博羅界四圍高聳為廣惠二郡之障其山在增城博羅二縣



之閒邑治東北七十里山東南全屬博羅西北分枕增城據

書地理志張府志方輿紀要阮通志增城志參修

雲母山在縣東七十里郭通志作城西二十里出雲母石續南越志云

唐天后朝增城縣有何氏女服雲母粉得道於羅浮山因所

出名之寰宇記

貌山在縣東南二十三里多婆娑竹摩竹圍三四尺至堅里

人以爲弓弓形如弩今失所在據元和郡縣志郭通志參修

峯門岡在邑治東北五里張府志作七里金牛都兩峯對峙如門舊

志作風門岡增城志

茂平石在縣東北七里水從石山來湍流入渠奔注潭中渠

生九節菖蒲有葛仙溪石碾輿地紀勝

飛泉洞在邑治東北十里世傳葛仙鍊丹於此有碾藥石又

兩石壁立如門一水從石罅流出澗洞百折遊人往往流觴

而飲如蘭亭故事有張老巖醉眠石諸刻一作流杯山增城志

陳崗山在城東北二十一里形如豎旗下有石菴石佛獸多

石羊鳥多鷓鴣郭通志

瑞山在城東北三十五里增城志作四十五里金牛都張府志

欖溪坳在邑治東北七十五里乃博羅龍門增城三縣接界

處增城志

百花林在城西八里增城志作十五里有泉合增江張府志

山在縣西三十二里郭通志作白水山在城東二十里張府志增城志皆作三十里其上

多漆樹廣州記增城縣白水山有五距烏屹若巨屏上有瀑

布百餘丈懸注如練高近千仞頂類仰盂中有飛泉長百餘

丈南至山麓繚繞丹邱而東噴雪翻濤奇態悉備兩崖怪石

夾東如砥柱懸橋者不可勝數頂上有田白水山即泉山後人傳寫訛合白水二字為一也阮通志云元和志山在縣西今縣治徙五十里故在縣東也又寰宇記載增城縣北有艘山有荔枝樹高八丈相去五丈而連理查各志俱無此山或今昔異名不可考矣有池池中多錦鱗及金帶圍蝦見顧微廣州記雲母岡與白水相接產雲母石日月燭之璀璨奪目故鄉亦以雲母名即何仙姑煉藥處岡之兩盤谷中曰鴨潭舊傳有雙錦鴨浮游其中又有雙鯉長數尺鱗鬣若錦據元和志

寰宇記方輿紀要 大清一統志阮通志張府志增城志參修

白木崗在城西亦名郭婆圍樹木叢密與焦石山肅然屹立

極峻整為縣右彌山

張府志

古華山在縣西六十里形如垂蓮在雲母都據大清一統志阮通志增城

志參修

古散山古華山西十里有古散山其山布散不屬蒼鬱盤旋

為縣右輔綏福水出焉南流可通舟楫在邑治西有水出神

岡及白岡合綏福水

同上

花山邑治西九十里上有壇遺相傳楊五郎坐化於此遇旱

澇士女祈禱輒應且有迎神於鄉以祀者增城志

丁澗山邑治西一百里在歸仁鄉張府志

元德山在縣西一百里與番禺接界多奇巖怪石大木叢林

上有土邱廣百丈高數十仞名曰仙人座大清一統志

燕石在縣西南六十里驛道旁高丈餘方五百步其下空洞

可坐數十人亦名石室

同上

峨眉山在縣西南七十里增城志作邑治南八十里一名南樵山又名南

鄉嶺高近十仞周百里山秀而長層巒疊嶂前瞰大江上有丹室下有石庵湛甘泉嘗建蓮花書院於此下有烏石岡高三十餘丈狀若覆鐘色如墨堪以眺遠岡下有烏石村在城西南清湖都石下村後亦名鐘墨石西有劍跡石據大清一統志方輿紀要阮通志張府志增城志參修

望州岡在縣西南七十里張府志增城志俱作邑治西南二十里崑崙橫巨官

道出其左登絕頂一眺凡廣州勝槩咸在目中故名據大清一統志阮通志張府志增城志參修

五馬嶺在邑治西南五十五里張府志作城西四十五里綏甯都以形名

上有石聲如鉦鼓有廟祠山神禱雨輒應增城志

金紫峯在城西南八十里多奇花異草朝旭映之若金削芙蓉雲馬山與金紫峯相近實卽一山也土人以金峯雲馬目

之高出雲表形若馬鞍登眺絕頂列岫多趨赴西南番禺增城之界分焉一云雲馬山在縣西九十里綏福都又名良峯

俗呼歪髻嶺亦呼為馬鞍山據廣東輿圖阮通志張府志增城志參修

大鑿嶺在縣西南八十里下有甘泉洞一云在城南七十里

清湖都橫枕大江水口據大清一統志阮通志張府志參修

華峯在邑治西南八十里清湖都峯巒疊聳高數百仞康熙壬戌僧南樵構巢樹上里人為之結菴名海門禪院所闢有

太古居十方嶺整衣臺聽琴石觀瀑臺羅漢溪阿耨池諸勝

山有一虎馴不驚人年餘虎斃僧為冢瘞之菴側增城志

鷓鴣峯在縣西北七十里接從化縣界一峯高百餘丈一峯高九十餘丈名大小鷓鴣又名雙鳳山白泡水出焉一云從

化之雙鳳山卽此山知縣唐世瀆改名雙鳳蓋一山而連跨

二邑也一云在城北八十里楊梅都峭壁雙立其一差小從化學直其前為雙鳳山山北舊設鷓鴣營今廢兩峯之際飛泉南注味較他水為勝其下石臺石壁仙人跡宛然所產菖蒲一寸九節鄉人多觴詠於此並設渡溪口據大清一統志阮通志張府志增城

志增城志參修

青山在城西北九十里一名青幽山乃從化番禺增城連界處接牛牯鷓鴣諸山山下有淵即龜淵山口石面有仙人足迹據張府志增城志參修

據張府志增城志參修

南山在城南二里山頂有塔濱於大江下有巨石是為釣臺與豸山對峙江口以拱翼縣治萬曆六年士民建翔鳳塔於

上據廣東輿圖阮通志張府志增城志參修

豸山在城南二里增城志作五里當百花增江二水之交與南山對

峙舊名寨嶺隆慶四年邑人建雁塔於其上又建文昌祠以

主雁塔之祀據廣東輿圖張府志參修

流防山在豸嶺稍南縣南十五里狀如卓筆防水出焉據黃通志

大清一統志參修

四望岡在縣南八十里甘泉都沙貝村東上植荔子十數本

名曰挂綠遷其地弗良其麓有寺曰皆山據張府志增城志參修

石巷嶺在沙貝村西有巖穴可容數十人巨石夾成一巷其

穴中祀天后神歲時伏臘居民祈報往往游歌於此張府志

帽嶺在邑治北三十里慶福都高聳如帽

招賢山在城北四十里崇賢都上多塊石昔有賢隱此或云

卽孫賈王佐與邑人張度元季時遁跡處故山與都皆以賢

名俱同上

景星巖在縣北五十里平野中孤石挺起峯勢入雲連石相接無異棟宇中有樓臺寶蓋之狀今不可考據方輿紀要廣東輿圖參修

石龍頭山在城北七十里楊梅都自靈山而下勢如游龍其首枕於溪流石骨嶙峋高可百丈下有洪聖古廟半嵌石壁

之中張府志

鵝鳩山在城北七十里楊梅都

鳳凰嶺在城北七十里楊梅都嶺下有水名鹽坑俱同上

石龍山在縣北廣東輿圖七十里枕長溪山形若龍相近有

澄溪山澄溪水出焉澄溪山在邑治西北五十里崇賢都亦

名箭榦山上有仙女石并石磴箭桿洞中出水下注為溪曰

澄溪流經臘埔至三江口合流於增江據大清一統志阮通志增城志參修

牛牯嶂在縣北八十里高聳十丈周圍數十里為縣治後屏

大清一統志

謹案阮通志云府志牛牯嶂名藍糞山東北枕龍門

西枕從化南入增城其高插天盤踞百餘里今據

大清一統志藍糞山載入龍門牛牯嶂載入增城一

山連跨而異其名也

靈山在縣北少西八十里廣東輿圖黃通志接從化縣界周

百里體勢極高而頂上寬平南有石巖石積水出焉灌田千

畝在城北八十里楊梅都高千仞周圍三百里據阮通志修

背陰山在牛牯嶂東北界接龍門舊有鐵商承餉設爐率礦

丁開採其中今廢據增城志

獅石在城北八十里楊梅都有大小二山其大獅石下有巖

可坐數十人大獅峯列於羅浮經疑即此據張府志增城志參修

鵝嶺見羅浮經然經云東北大獅峯又北九十里連阜接

於增城今不知所在姑列其名以俟考又見羅浮山記及圖

經注據張府志增城志參修

增城縣有勞嶺山縣西四里有九子嶺以上二山各志失載

今不知所在據後漢書郡國志元和志阮通志參修

順德周寅清分纂

番禺金佑基初校 番禺史悠乾再校

番禺史悠履三校 番禺金偉基四校

廣州府志卷十一終

廣州府志卷十二

輿地畧四 山川

山川三

香山縣

虎跳門山在縣西南九十里東九里有土城焉西接新會厓

門舵峩尖山對峙如門水中巨石名虎矢石岷嶼攢立崿山

巔有東礮臺與新會西礮臺交錯又西八里則厓門之礮臺

相望焉南為大小虎海遙見獨厓赤鼻二山如浮萍兩點耳

香山志

兩耳嶺在土城之西十里有兩石巘峩尖銳如馬耳故名

靈珠山在土城西南十四里其山周約二里南半里有小山

環列名小靈珠其西北四里許即厓門登山見其礮樓

王藍山與兩耳嶺相接勢如屏展下有深塹中建護龍寺俱同

石瓶山在城南一百四十里土人號為南山右側有石擊之

聲如銅鼓據方輿紀要香山志參修

仁山在縣城內其陽為縣治上有書院其陰為仕學臺其左

曰豐樂園上有陳文龍墓今院及園久廢惟仕學亭在墓前

數武山多鶴巢其北曰慶壽山城跨其上前有無量寺東南

曰豐山昔僅培塿近民居已平西曰武山城垣跨之上為戰

臺有西山寺外有盈山福山鳳山已平於築城時以其環拱

縣治名七星峯明洪武初築城移其三阜據方輿紀要香山志阮通志參修

大北山在縣東一里蓮峯聳其前金鼓角山峙其後平遠延

綿東界牛起灣南臨田元偽干戶王一據之元末海賊李祖

三虞善相繼劫掠宣差托囉克台守其上一名舊寨山據方輿紀要

蓮峯山在縣東北半里高數十丈其陽為學宮阮通志

月子山在蓮峯之南縣城東北隅北接蓮峯山脈東為月岡

街南為月山里西界城垣北為近月里由慶壽山入仁山蓋

縣治之近脈也山為縣城入脈要地築牆環之並勒石禁居

民搭蓋香山志

金鼓角山在大北山之陰昔聞鼓角聲故名

和風山在縣西南一百二十五里排泉奔騰包絡羣山上峙

三峯秀立雲表

金鼓山在土城西八里左側有大石扣之作金鼓聲

高城山即大嶺髻在縣西南一百三十里一作三十里疊岫層巒

周迴如城郭元末民避寇居之西北有黃石澗東南有儒巾石茶杯石狀若人治而無斧鑿痕

文樓山在縣西南一百四十五里中拔一峯平時如臺陡崖鳥道上有村居其麓平原廣二十餘畝山之西五里逾海為大虎山小虎山三虎山斷列巨浪中自成洲島煙水蒼茫漁舟逐隊渚居漸庶矣

荔枝山在縣西南一百四十里一作八十里其陽有林子後嶺烽堠其山舊名羅沖村明黃副使鎬之祖母崔命僮僕沿山遍植荔枝大抱凌霄因名前為牛牯麓山下有石高丈餘廣五尺餘石根棱棱儼成小字筆意如生

鶴兜山在縣西南一百二十五里林壑翳深盤紆三十餘里昔為盜藪今有居民矣

老安山在城西南半里為縣水口衝要西臨海俱同上

石岐山在縣西北一里遙與蓮峯相對又縣北一里有插笏山一名獼窟山瀕海高十丈廣五十丈四面環田烽堠在焉舊有西林庵白衣庵桓林庵北為基邊魚步東為岐頭大陂西為圓山子獅崖山北望東濠松隄稻畦煙翠交錯遠眺無際明萬歷間建七層花塔於上又一里四水中有長洲山其陽有赤松亭明大學士何吾騶築今廢據廣東輿圖大清一統志張府志阮通

志香山志參修

龍歸巖山在縣西南九十里張府志作西北宋黃懶道人結庵於此今有龍歸寺東七里為登仙石椒邱巨石岬疊成巖上橫石莖廣七尺許長二丈餘如虹飛越半空下臨無地黃懶道人坐化之處弟子並於二巖塑像祀焉每晴雨祈禱夜見靈光



往來於二巖之閒香山志

黃楊山在縣西南七十里與鶴兜山連距虎跳門山二十里延袤五十里高六百餘丈山氣常嶮冥鬱拂夏午猶寒蹊徑蹇產異色不名之花纓帶阜山原之上有大池世謂之天池皎然沖照淨而不流山腹有石門其中引水飛澤傾瀾瀑布咸注渚聲瀉瀉不斷下為澄潭其水陽焊不耗陰霖不溢無能測其淵深也者舊云與海相通上為烏巖山又上為摩天嶺曰神仙墟林藿綿濛藤苗蔥蒨微颯暫拂則芬芳溢於六空矣鄧光薦祥興中避兵於此題詩於崖趙時縱建金臺精舍於山左與龔行卿三人隱焉前有山田數畝可耕今猶足供僧糧巖洞多素心蘭午時蓮芭蕉釣鐘花黃楊樹山頂則產黃楊茶山僧以饗客可消暑瘴得者珍之北之麓折

東為大臣山曰也字山又西北八里為小赤坎崗亦名大臣

山高百丈廣二百丈其陽有烽堠為赤坎岡為張世傑葬地

據大清一統志張府志黃通志香山志參修

謹案香山志云鄧光薦避元亂在黃楊山之烏巖山

黃通志甚晰且詩云贈趙承節卽時縱時縱家在黃

楊山下大赤坎村玩詩甚明申志誤以五桂烏巖當

之指為光薦隱居地不知烏巖山雖峻而近在邑城

僅三十二里非能遁迹也阮通志兩存之亦失考

獨厓山在土城西南五十里尖覆如阜獨立海中東為黃梁

都虎山西為新會百峯山為香山新會新甯三縣分界香山志

赤鼻山在土城西南五十七里與獨厓山遙立海中高二丈

許廣里餘洪波風翻時冒其巔為香山新會兩縣分界同上

三竈山在縣西南二百里海中林木蔥翠中有三石如竈故名有田三百餘頃皆極膏腴其西為浪白澳成化中番舶自烏沙海侵擾因歲令官軍駐守烏沙海匯其東與橫琴相對皆抵南番大洋古為海寇所據今俗安耕鑿士樂詩書絃誦之聲焜然而起據大清一統志廣東輿圖香山志參修

泉蘭山阮通志作高關在三竈西南二十里大海中五峯傑豎如指

谷多蘭卉香山志

丫髻山在縣西南八十五里銳出羣峯之上頂峙喬石三遠望止見其二如丫髻然同上

稜角山在縣西南張府志作城東八十里高七十丈廣百丈北抵北

合南面海峯四曰十二嶺峯曰鷹竇峯南野角曰丫髻峯曰茅灣峯峯下五眼井冬暖夏寒與溫泉相望下有龍井懸瀑

茅灣峯在正午位為邑治第二案山據廣東輿圖阮通志香山志參修

將軍山在縣西南二十里南為戴土嶺北為胡盧棚村西為

下馬嶺其山嶮峭以繩直有石高起如屋可容數人中有甚

整頓者云仙妹石鄉人所祀禱焉末從考其朔矣香山志

下馬嶺在縣西南二十里嶺有逕為良都西南之通衢名下

馬逕土人訛為亞媽逕南為板橋村又南為崖鷹埔村

長環山在縣西南十五里山委折如環故名

西山在縣西南十二里北為大石鼓山西為黃蜂坑山

小梅嶺在縣西南十里東接黃蜂坑北為福涌又北為渡頭

村南自寮後金角環歷第一角汎至沙田村東為龍聚環南

界北臺溪

圓山在縣城西北一里西為圓山仔北為張笏澳其上有煙

整

獅崖山在圓山仔後西為牛山山麓有牛口石又張笏澳前

俗訛張有筆架石高尺許三峯聳峙

長洲山在縣西三里俗名馬山又西一峯名獅山在四水中

石岐海東西濠濬西獅子濬北王屋洲海南

碧青山在三竈南三里南臨海草帶交暉苔衣胥化涵蒸海

氣嵐影常鮮行者莫不擁楫眺觀裴回愛翫

飯包石山在縣西南六十里土名亞婆髻翠入黛螺高出雲

表

金鐘山在縣西南三十五里山東有烽堠嘉慶十四年總兵

許廷桂戰歿於此

灣月山一名鹿鳴嶺在縣西南三十里與湖洲山相接羣峯

森列擁峙縣案為一邑大觀俱同上

湖洲山一名文筆山孤峭臨海山下有湖久之成洲因名高

七十丈廣百丈據方輿紀要廣東輿圖阮通志參修

南臺山在飯包石山西北二十里西南三十里郝通志作六十里南

接香爐峯北為南坑峯巒聳秀氣象端然高六十丈廣百丈

與北臺對峙梅花水在其南有觀音巖據郝通志香山志參修

北臺山在縣西南二十五里其南有小龍潭歲旱以白鵝祝

之燒白石投洞內輒雨張府志

香爐峯在縣西南三十四里一作六東界白銀水即馬屯西峽水南

接黃茅斜北為南臺西為沙角徑峯崖幽峻瀑布懸焉香山志

南門城山在縣西南十六里南接安上堂山西北為沙涌恆

美村又北為竹秀園同上

象角山在縣西十里香山志作十五里西北臨海舊志宋亡時一夜

號慟至曉見小石室立於上俗呼佛仔屋其南有石門山距

象角村一里許土人呼曰獅山雙峯並聳一頰一昂前有小

石山如毬後有小山遠峙平田中因有此名山西北麓水波

衝激哈呀豁間中一巖獨高而廣內有石平衍微窪如蓮花

山中產仙蒜據大清一統志香山志參修

石門山在縣西十里郡志作石門掩峒東臨海香山志

疊石山在縣西二十餘里石門之西脈自新會圭峯渡海而

來石骨嶙峋為縣治右弼之障據大清一統志張府志參修

青薑山在縣西南七里一作縣西二十里高潔雄偉土人名曰卓旗

山在疊石村東青薑村南高卓為羣山之冠上有石室十八

陰寒森竊雖盛暑晝晴不可久坐香山志

古鎮山在縣西北香山志作縣北八十里西接新會界土人曰鐵帽

岡遙望石氣凝青林容積秀屹立於海中至則往渚還汀迴

沈縈迥其北曰南門山亘村之中如眠笏據阮通志大清一統志香山志修

曰富山張府志香山志作百富山在海洲村巒回阜衍沿江北行如虬龍

鼓浪而趨據大清一統志香山志參修

大塢山香山志作圍子嶺在大黃涌村香山志作大黃圃村高突以形似名其

陽聚平山民耕其上在縣西一百里香山志作縣東北七十里明萬歷閉

林東山築牆垣嶺巔與鄉人避亂其間畫山成河漁釣於上

寇莫能至鄉人祀之今遺址尙存據香山志張府志參修

尖峯山在大塢山東南二里陡峻峭嶢其中礧礧之石如虎

形者磊崢重聚莫形其狀香山志

馬鞍山在縣西一百二十里香山志云當作東北七十里形勢雄峻為郡

治案山 張府志

坡頭山在大埕山西南八里許特峙海中諸艘在洋望之惟此山卓立特見故多準之以為出入 香山志

烏洲山在縣西北一百里海中 香山志云當作東北一百二十里 北迎七驢

東接二虎飛波激湧屹然不流 據香山志張府志參修

欖碇山在小欖西北臨田枕水勢衍氣清畧染煙霞翠色如

畫 香山志

小欖山在縣西北七十里小欖村又名鳳山在城北七十里

小海中峯巒秀峙紆而西指蘊靈盤結有泉石之美西為龍

眼都再西為黃梁都皆平衍可居山下有翁陔園 據廣東輿圖阮通志

香山志參修

小欖山西有大欖山在大欖村又名飛駝山山勢蜿蜒中開

屏嶂左為落霞峯為倚劍峯下有開元梅花諸泉在城北七

十里 據廣東輿圖阮通志李孫宸詩注香山志參修

圓欖山在小欖東北上有連理樹清翠深沈峯巒圓潔如珠

邱 據李孫宸詩注香山志參修

半峯在小欖東成龍里山石犖确枕於平時如月半規 香山志

大沙山屹立海中山之南屬新會山頂有香山新會二縣分

界石

荷包山又名牛角山在土城南七十里與大芒山列峙汪洋

中高數十丈廣十餘里有南北二環商販漁船住泊日衆

西屬新甯海界南則重溟

三角山在土城南六十二里大海中距黃梁都之南鄙陸地

二十里孤立如三角

文灣山在土城南六十二里大海中峯巒秀卓與連灣山對峙中界浪白濤自成一港灣拱如門有雞心洲收束其勢山橫列如城垣廣三十餘里內有村落明正統間佛郎機夷泊居浪白之南水村欲成澳準後為有司所逐

連灣山發自新甯銅鼓山大金山越海而來為都邑之外關在土城南六十里大海中西南為文灣山東南與三竈大淋山對峙名雞啼門波濤震激雖午晴無風猶凜然洶洶北為文樓山湧浪山南則天水混茫矣

五指山在縣東南八十里五峯排列如振手掀舉

金字山亦名金紫山在平嵐鄉後為一方之主山雙峯競舉每朝曦夕照山光暉映金紫爛然北五里許為萬仲環有卓貞女墓俱同上

大芒山在縣南八十里雍陌村勢如奔龍昂首睨海西有鑼鼓岡石室可容十餘人左右兩石相並分扣之作金革聲舊傳山上有石鼓自鳴聲聞數里後人以銅釘鑿其上走泄氣脈為冷熱池今銅釘尙時隱時見黃梁都亦有山名大芒彼在海中而此在山谷據大清一統志張府志香山志參修

葫蘆山在縣東南八十三里石壁峭立如門其勢甚峻林木陰森行人樵夫憩焉又有佛屋門其東北曰東嶺北接烏巖香山志一作巖其西南曰西嶺北接香爐而山益盤鬱西嶺之陽有

水射嶺瀑布南注其南有北含山山岬之旁澗壑懷煙泉谿引霧谷幽愈寂徑險而深旋折高卑十餘里行者莫不扶石爪步踉蹌徇徂矣據大清一統志香山志參修

馳馬坡在縣南五十三里距蚶蛇塘汎里許牛耙石山逕旁

勒馳馬坡三字下此則平原曠野無復崎嶇據焦祈年巡視澳門記香山志

修參

石室在烏石橋頭鄉後三里許片石成巖嵌空如室中引泉

脈其石旁列者如坳如几儼待游憩下有神仙螺金沙香山志

五桂山在縣東南五十五里郝通志作八十五里巖壑瀑布與羅浮諸

勝相埒山左有大小花園多異花其陽產神仙茶高八十丈

款跨郊坳掩抱巒岫周二百里為邑鎮山上有五峯莫能度

疏其嶠頌矣又有弔鐘花芳蘭馨草佳藥山果異羽奇禽逢

迎巖際北為青山鳳山烏巖山翠嶂撐天驚巖罩日泉流交

灌或瀦而為潭或飛而為瀑金山石林殷起乎其間內有田

百餘畝四望皆重洋風翻浪飛與支峯蒼阜混茫不辨俯視

一邑如片葉泛於巨海中日遙遙焉身與俱浮矣據郝通志阮通志廣

東輿圖香  
山志參修

大花園在五桂山之左二十四峯上之西最號奇峭石壁斷

續凹處為門八十餘步為石階階廣一丈綿亘數里階盡少

北石之橫者如胡床豎者如展屏臥者如几方者如枰圓者

如筐小而平者如妝臺往往月明之夕簫聲遠聞云中多奇

花異卉莫可辨識稍折而南為小花園多產芝草菖蒲轉山

左神仙茶叢生焉色香俱絕酷類峇山武夷餘不及也據范端昂

粵中見聞香  
山志參修

飛雲頂桀起於五桂之東南為恭常都王山羣峯駢衍眾阜

排羅遠近矚視常若負立於煙霄之上東五里為潭井東北

七里為錦石十里為北山南九里為西山香山志

東林山張府志作筆架山香山志作俗名雷壇山三峯森列若筆架然高五十丈

廣百餘丈西為萊菁街在縣南一里接連老安山山川壇養

濟院皆在其上邑人黃經構山海齋讀書其下易名東林與

西林對據廣東輿圖阮通志張府志香山志參修

西林山在東林山西北半里中為月山香山志

金紫嶺在縣東南十里阮通志作東北張府志作十五里天霽則雲霞輝映

色若金紫上有石泉寒冽不竭東北虎涌香山志虎一作釜後又改為庫據

阮通志張府志香山志參修

貴峯山本名大尖山在縣南四十里香山志一作三十五里高三百餘

丈為縣治前案其東有野牛逕南有小尖峯箬葉嶺上有祠

祀山神邑人祈禱集焉據張府志香山志參修

壽星塘山在縣南二十里香山志作四十五里東為石鼓磴諸山峯巒

森峭羅列左右如排衙高二十丈廣二百丈塘水數畝山居

其陰舊傳蓬萊仙寓此西有宋疑塚在墳頭岡梅花坑水出

焉其陽為六十陂大嶺石溪瀑布懸焉又儲為大龍潭據大清

一統志阮通志張府志香山志參修

鳳凰山在城東南一百里高七十丈廣十里阮通志作十四里其陽

有尖峯石牛諸巖東界南坑北接官塘岡西為金竹園白域

石古壑諸峯南赴海舊有懷庵山僧光柱異角重修之林木

參天背嶺環溪庵左有虎溪折而西為花雨巖瀑布千尋懸

崖而下木樨藤蘿交映白雲巖側有記公廬因僧記汝曾此

箸書十餘年故名山頂有鳳凰髻巖陡絕中一巖如蓮花

狀曰觀音巖有池曰鳳凰池周圍數畝多杜鵑瑞蘭池外峭

壁萬仞空中拔起怪石十餘丈曰浮屠石曰鳳凰塔石角一

門天然獨開下臨無地側身而過始入平砥寬廣數丈坐可



數十人迴顧奇花異鳥萬態千形非好勝探奇者鮮至焉據

東輿圖 大清一統志 阮通志 鄧穀 鳳凰山記 張府志 香山志 參修

南蕉山與鳳凰山對峙絕頂有泉清澈不竭曰龍潭香山志

風門凹嶺在鳳凰山南舊有銀鑛在雞拍山南六里設烽堠

今廢前有將軍巖據張府志 香山志 參修

鵝峯在縣東南九十里南為馬山鳳鶴山東為東山雞公山

外為大海居民採捕常在雞公山下香山志

大角山在縣東南八十二里曰南山經風門凹二十里至海

涯橫堵眾流及入海西折而東迅落金星門外渡海即淇澳

山海中潮汐北通東洲門虎頭門東注金星門

赤花山在縣東南八十三里縣崖險峻中有石室

石人山在縣南九十五里嶺多巨石有石人石室石碓石磨

舊傳仙人之迹又多蘭與山榛中有清泉名曰水流響谿中

水石相攻轟響外發常如鼓草聲

大仙嶺在縣南一百里雄偉特立高入雲霄其湯為鷹石產

蘭蕙鷹爪諸花下有石洞山麓後有石泉上有仙人迹羣鶴

翔集故村以古鶴名轉東為杯琰石多蛤蚧大如草履

翠微山一作翠眉 又作翠眉 又在縣東南一百一十五里廣五里高六

十丈由鳳凰山迤邐而來山卓立而石嶙峋巔平若砥其東

崖有石屏屏外大石廣五六丈曰平臺下有古社壇壝幽寂

喬松數百株屈曲飛舞如虬龍其南坳為白鶴林鶴巢羣集

見人不驚泉三穴皆清冽西臨秋風角南接鸚管山北望仙

人嶺海色山光景物灑如

石牛嶺在香山場後其山有石如牛隱伏於林木葱蔚間

將軍山在前山寨越海西南八里東十五里為龍井山其麓有巖儼若堂室可容八九人水從石罅濺瀉而出折下曰龍泉澗瀑布百丈如雪練曝於白石之上靜而無聲

鵝槽山在竈貝村西七里下為秋風角與將軍龍井山隔海相對距濠鏡澳十五里為入澳津口之一上有碇臺遺址形方石砌週十餘丈高六七尺

鸚管山一作英管在鳳凰西南峙立海中高五百餘丈周迴三十餘里山之東腰闢一洞名曰錫坑平坦寬廣田數十畝村民耕牧其閒麓之西北名大灣底環海深入田數十頃漁舟耕舍聚處如村市南俯芒洲北眺鵝槽從海中望之山形如荷蓋浮於水面上俱同

金星山在縣南一百里香山志云當作東南二峯相峙隱若雙龍中有小嶼如珠亦曰金星門南匯大海濤翻若山黑黃蒼赤備具奇觀據廣東輿圖郝通志阮通志張府志香山志參修

望門山在縣東南一百一十里起自北嶺延袤二十里至海門突起羣岫隔九星大洋內包鄉都外泊舟艦漁樵紛集張府志

阿婆石在前山寨城外遵海而南有叢石周遭里許參差眾石中一石狀如老媪垂首坐水上俗以阿婆名之雖颶風海溢亦不能沒其頂云香山志

三台石室在前山寨城東三里山高四五丈巔平坦有石二枕地上橫矗一石架之如蓋然中空可容出入石壁上昔人鐫三台二字

石龜潭在前山寨竈貝村前怪石嶽嶽如龜如鶴如鹿如老

人錯列於海岸每當風雨迷離煙波滉漾諸石隱見恍若走者飛者行者立者出入往來者詭形異狀神肖如生觀者惑焉俱同上

九星洋在城東南海中有九島如星為九星洲上有水甘美山多石巖石室可坐十餘人其草芝蘭據廣東輿圖香山志參修

長江山在縣東南三十里香山志一作二十五里又名大鷄山宮花水

出焉上為蟾蜍嶺南接烏巖北合神涌入於海南有相合山

山高峭峻上有劉公峯東南有紫馬嶺香山志一作南五里四面皆田

地接釜涌嶺上有天池芰荷生焉元末浚南濠此池涸據廣東輿

圖 大清一統志黃通志張府志香山志參修

大園山在縣東南四十里香山志作縣東二十八里宮花水由神涌來繞

出其後海上有山曰三洲據大清一統志張府志香山志參修

震竹山在縣東南四十五里為五桂東南諸山最傑出者積

石峩峩甚為崇峻遙望如金仙聳立於雲霄翹觀東海拱揖

朝曦北為鷓鴣山山峽名較剪門香山志

鴻鶴嶺一名鴻鶴尖秀峯插天在縣東南四十六里南接馬

屯東抵得能都北挹千秋嶺三面臨海同上

湖洲山張府志作湖洲孤峭臨海一名文筆曰阜峯文筆俗以石岐山為阜峯

在縣西南三十里高七十丈廣百丈與金鐘山南北相距八

里許其西皆瀕深灣海為一邑水口要衝兩山之閒眾嶺復

沓有棋盤石蟾蜍石流水石元寶石據張府志香山志修

千秋嶺在縣東南三十二里其右小峯有石如飛仙特立名

跂人石香山志

虎逕在縣東南三十里平坦如逕北為蟾蜍嶺西為雙合山

雙合山一作相合在縣南三十里兩峯競秀宛合如一中通山逕名風門坳邑中好義者於此設茶以待行客

柏葉嶺一作葉嶺在縣南三十里

紅旗嶺采訪冊作洞在縣南五十里中有石船有穴名狂魚出水

形居洞側昔人葬此其後家生一子驍勇能以席為船入城市又以石化為船可渡海後母發冢子死石船猶存

烏巖山在縣東南三十二里南為五桂山東介鷓鴣峯西接鴻鶴尖北抵長江山聯巖累嶂青翠深沈中藏奧區

謹案烏巖山舊志誤作烏巖云在東南六十里今惟屬得能都土俗所呼有烏巖山即五桂山內一峯舊

志又云東抵雲梯諸山赴海西介香爐北為千秋嶺紅旗峒西北抵雙合山至於海牽敘諸山跨涉遼遠

至指為鄧光薦隱居殊失實矣

戴土嶺在縣南三十五里大清一統志云大嶺蓋即此距壽星塘五里其麓多石

其南有龍塘村前為龍潭又南有花樹坑山多刺桐

小嶺在縣南二十里大尖山之北與桂峯寺相距三里餘望之蔚然綺秀上為九折坂盤紆屹峭陟之愈深外則重山朝

揖遠隔凡碌遊者常若目不周翫矣舊有香林寺今廢

白頭嶺在縣南一十五里出谷口之北越溪二里許即桂峯寺

桂峯在縣南一十五里峭石迭起冠以青松溪南為小嶺峯麓有寺名新庵峯旁有茶亭設茶以待耕樵者亭前為新安

汎

安上堂山在縣南二十里南為大尖山北為旗山西為將軍

山西北為南門城山羣山秀特並概青雲

旗山在縣南二十里山下為上塘村折而東為石頭村村前有石林立路傍儼待題勒中有二石如杯琰

蟾蜍嶺在縣東南三十里南接虎逕北歷得能都虎尾三角

塘紫馬嶺齊東土瓜嶺諸山西北入良都牛起灣山在縣東七里

鳳棲嶺在縣東五里西為仰螺山舊有寺今廢其南有汛為

東鄉之衝衢

月山之南月山俗名曬蘇山有迎陽石在麻洲街尾亂石中此石特

出高約十丈餘大四五丈許一作高三丈餘大一丈四尺上平可坐十餘

人壁峙路有成化閒巡海都督張通題字畫盈尺迺勁古媚

林木陰森佳境也石舊名掛榜自張易以今名其地遠近人

事視昔盛衰頓殊康熙元年六月內颶風淫雨石有古榕吹

折石仆地陽字入地五尺許是年蛋賊竊發香山各鄉焚劫殆無虛日

謹案山下原官地居民因石蓋屋道光七年紳士呈請祝侯委典史左諭合毀拆由志局給補價銀六十兩以存古蹟

獅頭石在迎陽石北數十步高可二丈以形似名南為金魚石大尺許在火神廟前相傳廟前舊是大洋石浮海面潮不能沒今皆成田與地平矣

谿谷山在黃角鄉之中前為月山

春坎坑在縣南三十五里石受水激其窾如日俗人因以名

之北納雙合山南峽之水舊志或以為納長江山西峽之水眾流混波浮響

無輟西注石鼓礎與梅花水合舊志有云西北合梅花水長

江水北出又北合神涌水入於海惟春坎坑水能合雙合山南峽西南出而不能北出也至神涌水更不能與春坎坑合神涌在長江山之東可以合長江山東峽之水而出海亦非由春坎坑也

虎遜巖在大石村後山麓峭石高廣數丈巔平積水如池曰曬經臺曰浴鳶池古榕木棉高插霄漢石磴數十級螺轉而上為虎遜巖昔有猛虎據焉明僧元默來此虎遜去次日仍返洞旁大吼元默為虎說偈即去不復來又曰觀音巖俱同上尖峯嶺在鳳凰山南石甌山在鳳凰山東南香山場前大嶺頭峯舊設烽堠藍屏山在石甌山上榴花山在藍屏南產榴

花張府志

放馬山在潭洲西南如渴驥奔赴噴奮淇濤香山志

濠鏡澳山在縣東南一百二十里突出海中明初番船往來泊無定所率擇海中地之彎環者為澳若新甯則有廣海望崗東莞則有虎門頭屯門雞棲香山則有浪白濠鏡十字門皆置守澳官嘉靖初諸澳盡廢唯濠鏡為泊藪萬厯初因於澳口設關關外割為諸番住所今遷廢東與東澳山相對南有十字門潮水環拱西與橫琴相對北有青洲山有沙隄名蓮花莖中設關關北接北山嶺南峙蓮花山澳內有三巴寺東西望洋寺後有礮臺濠鏡澳又有奇石三一洋船石相傳明萬厯時閩賈巨舶被颶殆甚俄見神女立於山側一舟遂安立廟祀天妃名其地曰娘媽角娘媽者閩女天妃也於廟前石上鐫舟形及利涉大川四字以昭神異一海覺石在娘媽角左壁立數十尋有墨書海覺二字字逕逾丈一蝦蟆石

其形圓其色青潤風雨當夕海潮初上則閣閣有聲據清一統

志郝通志廣東輿圖澳門紀畧香山志參修

青洲山前山澳山盈盈隔一海茲山浸其中嶢岈蒼蔚石氣凝青與波光相上下明嘉靖中佛郎機既入澳三十四年復建寺於茲山高六七丈閎敞奇闕知縣張大猷請毀其高墉不果天啓元年守臣慮其終為患遣監司馮從龍毀之澳門紀畧

雞頸山在澳山南二十里

高瀾山元海寇劉進據之明初平俱同上

橫琴山在縣南二百里海中二山相連東曰小橫琴西曰大橫琴路最幽峻元末為海寇王一所據明洪武二十八年平之詔墟其地下有井澳亦名仙女澳宋史瀛國公記景炎二年帝舟入海至仙女澳遇颶風舟敗幾溺又馬南寶起兵井

澳卽此仙女澳在橫琴山下有樵者見二姝殊麗就視之化雙鯉今有雙鯉石據大清一統志澳門紀畧阮通志參修

謹案雙女坑在小橫琴山仙女澳在大橫琴下之深井山事蹟不同澳門紀畧牽混為一耳

煙筒山一作峒一名煙縮山上有煙壑舊址故名在縣東三十

五里香山志作五里西為白石馬峽東為馬蹄石峽石巖上清泉

出焉東南一小峯俗呼為沖天鳳有石泉又呼為盧亭井山

北臨海巔平坦屋址數間猶存

國初時設以守望者據張府志阮通志香山志參修

四巖山本名賜巖山今俗呼為白米山占歲者云野火燎山

頂王早在縣東四十五里香山志作六十里東有豐草湖西為石船

山東曰日角山又曰大岡山尖峯矗立奔赴而東如欲踰海

而渡然據大清一統志張府志阮通志香山志參修

東州山張府志作東洲亦曰東洲門在縣東五十五里大清一統志作東北七

里南距麻子村五里其山突入海中東西數里中劃然而開

上引江流之黃淤下匯滄海之鹹潮湍激渦漩凹者如甕凸

者如螺其勢緊迅潮汐時舟不可渡且有鼉鱓巨魚昂首吹

浪舟不可泊潮落時懸流高數丈喧騰遠震必待潮平乃能

渡也門東名紗帽山一名直帽山其東北名迴頭雁山一名飛鵝山其

外名橫洲山與東洲山夾出而東是名橫門較東州門差小

而灣曲如環水略平緩可以泊舟矣迴頭雁山之麓水甚淺

渡輒膠舟東北為蟻洲山雖小而皆石又北為馬鞍洲西北

十里為三洲二洲舊皆在海中今潭田相接二洲之中隔一

小港耳又上為大洲俗名大王頭山東北八十里為虎頭門海中有

大小虎頭門以形似名即秀山也東南一百里為南頭寨東

四十里為龍穴洲而浮虛東濠則在東洲之上流也又北曰

臺頭山張府志作壺頭與東莞接界據廣東輿圖張府志阮通志香山志參修

天梯山在縣東三十里小隱村南高逾眾山其下峯巒層折

巖壑迴環中通一徑內有田數畝澗上懸泉飛瀑潏涌決咽

緣澗側上其勢高峭名曰天梯巔則平坦可以遊觀香山志

黃道山俗名石狗山在縣東四十里一作二十里距雲衢書院西南一

里南有石室可容十餘人山巔多巨石陰以喬松奇秀高潔

宋黃道人修道故址也下有新美齋為鄉人王蔣陳梁義塾

今廢山之左為西村同上

雲梯山昔有張許二道人結庵絕頂今石扁猶存在縣東四

十五里郝通志阮通志張府志俱作七十里高百餘丈廣六里郝通志作高七十丈廣百丈



極峻之處有石狀如鷹其凹處豁然成湖廣數畝名寶鵬池池上為庵場舊址半嶺有泉莊二字石刻下十餘丈有雲梯二字石刻岫壑冲深風林清曠宜乎雲客宅心繼響窟巖往者忘歸矣據郝通志阮通志張府志香山志參修

塢山在縣東五十里當涌口門中東盡滄溟煙雲杳靄天晴則東莞新安諸山遙在依微隱見閒山形如珠上建塢高七級魚梁橫亘一里許其中堰水為關空承之以罟以捕魚凡九處潮汐出入浪花滾雪勢甚漂疾梁以內則山水縈環梁以外則波濤凜凜東北為岐頭山東南為大流角山上有礮臺皆當涌口門兩岸盡處東臨大海海中諸山近麻子外沙者為竹洲一名牛尾嶼其下為馬尾洲一名牛尾嶼為燈籠洲在涌口門東二十里為梳妝排為外黃茅為內黃茅為羅砵洲為了洲為泗東山

傍岸最近與崖口泗門隔對湖退可涉為燕石香山志

崖門山在縣東五十二里距崖口村東二里舊產金竹甲他處五桂山東支水由此出海南隔一涌為下田林

平田山在縣東八十里臨海一名東山俱同上

南萌山在縣東八十里東北臨海近豐草湖張府志

羊欄大屏山在縣東十五里高出羣山上有石形如獅子如

老人土俗呼曰白鬚公下有泉清冽香山志

萌尾山在縣東二十里萌尾新愛諸村環列其下東為張家邊其西為濠頭北臨海烽埃

陵岡山在縣東十五里

八簾障山在縣東二十五里岫衍峯連山開八面故名中有石洞其深莫測俗名黃巢藏相傳唐末鄉人避黃巢亂於此

北為水樓坑怪石嵌寄聯積為一或坦如平地或聳為巖巒水穿流其中聲如琴筑又有飛瀑湏盪陡崖水花星白恍若珠簾遠掛雲間

五馬峯在縣東十里下為濠頭村遙望山形如嘶風逐日茄頭角山挺起在縣東二十四里張家邊之東北接水洲南控三洲上枕白雲下襟大海山上一閣僅避風雨中祀三仙娘莫考其建立之年矣每風清月朗時聞閣上有歌吹之聲下亂石礮礮中一石畧平蹠跡深顯今仍存焉大龍潭在虎洞村後山頂有潭飛瀑舊傳有靈物蜿蜒出入人或見之歲旱致禱或龜魚出則雨今不驗  
柏楹斜亦名北了斜又名婦女墟沙崗舊有較場東鄉婦女多集山下為墟在縣東北一里南為大北山北為南濠雲亭

峯西為五榕峽先農壇在其南

萬年陰在縣東北二里許地脈先萬年陰後過柏楹斜山隈叢木翳天涼翠匝地柏楹斜又在其西俱同上

南濠雲亭峯在縣北一里西北臨田其上曰金鼓角山

浮虛山劉欣期交州記曰浮石山在海中而峙高數十丈浮在水上在縣東北七十里張府志作縣北峙海中望之似隨波上下

山海經南海有浮石之山疑卽此據藝文類聚方輿紀要張府志阮通志香山志參修永泰山在縣東北海中七十里一作一百里大海之東曰三角大

海之西曰坡頭皆護浮虛香山志

橫檔山在縣治東北五十餘里高五十餘丈橫一百餘丈四面臨海山勢如屏以折怒潮之衝山下為鎮南村自乾隆己卯年始有居民今潭田日高海水不溢生聚漸繁村前水松

環繞翠可接天山之中有大石中竅如環風從中來音如箏  
笛旁有石井清冽如醴秋冬不涸山之西南為鼇魚石風乘  
潮長水石交激宛有戲水噴沫之觀西南徧植荔枝數千東  
北海風勁烈荔枝花而不實惟松櫻茂植遠望如堆翠浮黛  
焉

羅漢嶺在潭洲鄉東上有巨石十八甚整嚴土人因以名之  
又有巖亦名觀音巖傍有泉清冽祈雨輒應

蠓頭山在縣東北一百二十里峯巒繚繞挹領羣山

蕉門山在縣東北一百二十餘里黃角鄉東控汐引潮水常  
淤濁為巨洋出入之要津東南為東莞南沙山

鬱角山在北坑山之東出為風門坳其山有巨石高二丈餘  
廣丈餘上有字如蟲鳥篆

蜻蜓洲山在土城之北二十八里昔在海中今皆成田有民  
居

三門山在海中三山齊斷如門今皆成田僅留小河前半里  
曰竹洲山為達邑城要津

大托山在土城東北三十里西望虎跳門四十七里四際皆  
海周遭二十餘里連岡盈疇枕水通阡村落環居儼然佳境

上有礪臺弁兵守焉出為馬齒門又名馬鱗門折西三里為石門

山南則大蕉頭山

白蕉山俗謂海傍歧石為蕉廣十里北為桅夾門石豎如桅夾對列若

門故名二山皆分峙於海中

黃麋門山左右有石如麋阻激潮流水勢漂急前為小托山  
袤十里皆在海中

旗轟澳山

一作奇獨 或作淇澳

在城東九十八里

水道七

橫嶽拂雲崇

岡疊浪遠望如旗張建於海外其上支峯曰雞山巔有石高

十餘丈廣畝許如平臺曰赤嶺高數千丈可觀日出其下西

北曰夾洲在海中與羣山相對峙中分一澗屹然如門東北

曰鹿耳灘亂石突兀中有峭壁豁闢若戶下視橫門波流環

繞風濤有聲西南曰蒲灣漁莊雜處左有南海神廟北曰嶼

島海中小洲也形如蟬浮水中北則橫門潮汐直注其下東

曰松澗從羣山飛出直瀉百丈喬松古木幽寂鬱森人跡鮮

至

青洲山在澳門北二里許前山寨南四里一望葱蒨週遭皆

水如金山然

白石排在前山寨西南十里秋風角西三里石從海中湧出

隆然如小阜鳥翔集其中常數百羣

南野角又名娘媽角在前山寨西二十餘里

鶴洲在巨海中高峙一山頭東而昂尾西而伏形如立鶴上

接磨刀門南野角

蚶洲在前山寨西北十里小山綿亘蒼秀周迴八九里與鸚

管山相距四五里

企人石在澳門西十五里又二十里為掛碇山三十里為燈

籠洲七十里為馬鬃洲白春環

大吉山之東中水曰內十字門小吉山之西北中水曰乾門

澳山之東南西對橫琴水曰外十字門其民皆島彝也今遷

內十字門有四山曰蠔田距澳六里曰大小馬驕距澳十里

曰上澗曰芒洲距澳十里外十字門有四山距澳十五里曰

舵尾曰雞頸距澳三十里曰橫琴距澳二十五里曰九澳地則同而古今名異又乾門之南曰過路環

即鹽竈灣今客民私採石處 距

澳十二里又曰潭仔皆與十字門近

石甌山在香山場之南石高數仞屹立山巔形圓直如甌下有石盤錯其中春夏雲霞蒸蔚如爨煙然因以得名土人又名為穀園石

鯉魚岡在縣東北七十餘里山如鯉魚戲於海中首尾畢具其東北麓有石傑立高丈餘縹逸海浹恍若磐龍中豁巖洞寬可展坐鄉人鐫刻普陀巖三字每當波月澄輝稻疇鋪翠權歌漁火幽杳蕭然

東坑大岡在黃圃村東北三里餘中有巖秋冬滴水不涸下有石如蟾蜍者二苔色蝸涎泥其石迹遊者每恣目焉其南

石屋洞開能敷席四藤蘿交織蝙蝠倒巢鳥語蟲聲寫其悄寂

曬魚岡在小黃圃村山北麓有石橋隆起高二丈餘長十丈餘其北近海如虹之飲川橋上石磴平鋪古榕繁蔭橋下穹隆如石室東西門戶光明洞達

白水寨在瀝洞怪石巉巖雨後洞水齊下聲震一方

簾泉洞在北山村東南五里石室深窈窗櫺儼具湧濡飛瀉分繞左右古榕生石隙中盤曲槎枒蔭覆其上樹下石坳如盂泉注其上溢而下泛四時不絕兩山拱夾為垣牆海水環繞如盤帶崖谷其清風泉同嘯怪石緣溪蒼松夾徑斯亦勝游之選地也

俱同上

零丁山下有零丁洋內洋曰小零丁外洋曰大零丁小零洋

有二石烏白對峙中流高可百餘仞舊稱行朝雙闕今漁人

稱雙筋云據粵中見聞香山志參修

馬蛟石在蓮花山北麓石脣而磽無趾三小石承之相傳浮

浪至澳門記畧

響石在蓮花山南麓扣之碓墜前有蔡烈婦墓香山志

公婆石在望廈村前二石相並煙月迷離之際望若男女比

肩立即之仍石也夷人反目於室出則詣石禳解之澳門記畧

石礮石在香山場後松栢山石高丈餘中有縫儼分二截如

礮狀雨則水從石縫出若礮之磨物然香山志

石溪洞在松栢山後洞有石榻寬廣坐可數十人榻下泉流

清冽外則溪水環繞松木蒼鬱

升斗石在香山場東北溪口有大小二石如升斗形溪多沙

水不為沙所阻從二石中流是年米價平或側出則米價昂

土人常以此占豐歉

白蓮洞在吉大村西四里相傳古有僧人隱跡於此遍洞種

白蓮今仍存其址上有石室殊幽勝對山亭亭尖聳如童子

參拜下有石巖清泉滴溜俱同上

燕子石在縣東一百一十里海旁以形似名舊志贛商死於

山上一宿蟻銜泥成墳號貢章墓疑唐孔璋墓也黃通志

檳榔石當十字門兩瀝中尖銳卓突隱見無定舟觸之立碎

香山志

碓坑在縣東三十五里有石礮石碓因名碓坑東南坡上有

土神名石仔廟左有深坑名賣魚林叢樹幽寂山水之趣尤

愜人情

丁瑤石在白沙環山有石二卷聲清如玉因有此名

上洲山與下洲山相對中距三里西臨海在土城之北八里

山之陽有居民俱同上

香山在東莞縣南隔海三百里地多神仙花卉故曰香山疑

即香爐山據寰宇記大

馬屯山在縣東南五十里南接五桂東界四大都西為平逕

諸山北為鴻鶴尖香山志

東陽山在南臺之北縣西南三十里同上

新會縣

笄簪尖山在縣北十餘里高數百丈亂峯怪石峭削如簪發

脈於曹幕介新興高明恩平開平之間西自鶴山崑崙歷萊

秀平地嶺數十里迤邐而來卓然聳秀靈氣孕毓於斯縣之

祖山也新會志

綠屏山在城北十里環列如屏障周圍八十餘里環繞邑後

一名綠護屏鳥道險絕山頂平曠居民耕獲其中相傳有陳

白沙讀書處頂有淺渚六隆冬不竭名六湖亦謂之玉壺上

有玉壺村數十家李翔綠護書舍湖邊有白沙釣臺東為大

林洞有鐵佛寺上林寺又有蓮花池醉雲石洗鉢泉了經巖

玉虹橋其東南為石澗沿路峭壁插天中匯為聖池池產金

蝦紅鯉鶴鱖山多鷓鴣飛泉百丈從空而下俗名出新鮮蝦

其東為蒲澗有九節菖蒲叢生澗畔上流可以泛觴其下水

簾千尺注於大小龍潭潭有白龍每出必大風雨樵人往往

見之歲旱禱雨輒應龍潭一曰雲潭陳白沙嘗謂聖池瀑布

天下奇觀第一其左連圭峯兩峯對峙如蜂腰中斷山半相

連處為牽線過脈約里許風勢甚勁新會志云龍潭聖池合為一鄺露雲潭記析為二蓋上為聖池下為龍潭也潭下數折為第二第三第四第五第六等潭皆隨山高下旋流委折而名之地無定形潭亦無定名矣今禱雨以第三潭為定

東輿圖張府志新會志鄺露集參修

圭峯在城北三里

阮通志張府志作二里

邑之鎮山西連綠護南望厓

門秀拔玉立其頂四方名玉臺山上多松竹瀑泉出焉踞高跳遠全城在目為一邑大觀沈石田嘗作玉臺圖以寄白沙相傳秦時有二仙人居此山中仙井丹竈皆其遺跡唐僧一行卓菴山巔上有宋真人李之光祈雨壇朝斗石白沙講堂古址又有千手閣玉皇閣文昌宮中為玉臺寺後座有白石塔光潔如玉每年八月二十四日士女爭施供寺後舊為圭

峯閣閣後有怪石名石龕昔有僧人坐化於此前為玉虛宮為石池為水月宮又前為南天門門以外左有石澗為靈谿谿上架小石橋可通雲峯有石塔名天王塔右有石筭廟右為半月池旁有乞命松數株松下有石十八名羅漢石又有巨石如池泉稍停蓄可供浣濯旁流溢出拗怒噴飛與怪石相激薄為石磧為瀑布泉上為瓊華洞洞有漱玉池沈醉池明有詩人結漱玉社於此鐫沈醉池三字於石上又有浣醉池昔人闢除榛莽於石窠旁見此字洗剔出之一石方丈名友丈石昔人鐫友丈二字於石上又上為觀山亭後為搗藥巖又有少室巖巖有石牀石枕為李真人棲修之所明後俱廢寺後有泉以竹澗引入香積廚中每值夏暑雨枯松下多產松菘寺僧採以餉客



國朝順治乙未僧棲林墾闢種植松篁康熙初僧無懷於山

右建雲峯菴

據陳白沙集 大清一統志 阮通志 張府志 新會志 參修

雲峯在圭峯右去玉臺寺約三里常有雲氣出沒因名雨落雲下遊人每見雲不見雨也好事者或擗雲入合以歸康熙初僧無懷結菴於此為聳翠寺路徑幽僻與玉臺各擅其勝未至寺里許縱目厓門如在指掌直上三里為圭峯絕頂其頂畧窪可坐數十人九日游人必以登此為快東北可望甘竹諸山西潦漲時汪洋無際惟綠護屏並峙俯視眾山不啻兒孫矣寺右轉有石高丈餘哈呀突兀狀如張口名馬口石山路嵌寄偏仄螺旋可達玉壺山新會志黃雲山在城北一里其上時有黃雲故名山本名貴峯唐僧一行來遊有雲自出色如金因建寺於此師去其徒元禪師

居之

據廣東輿圖方輿紀要 張府志 新會志 參修

叱石巖在城北三十里杜阮鄉峭壁排空巨石架險有寺在山之半自寺至山椒凡五十之折至山麓半之古松喬木虧蔽天日寺右飛泉吼空響雜松濤巖在寺下二巨石壁立復一石長丈餘橫覆其上如屋有巖祀觀音俯視巖下數百步有石聳出如金童膜拜狀石多如羊舊名羊石坑明大司寇黃公輔取黃初平叱石成羊義易今名環植梅花雜樹有澗水錯出有建文昌宮地藏閣結社吟詠其中山怪石峻嶒林泉幽窅時有清趣相傳白玉蟾於此得金芝十二莖服之成仙地藏閣最靈驗遊人誤食田雞鱔牛等物入廟必為神譴其上為北燕巖對峙為蓬萊山相去數里據張府志 新會志 參修龍蟠嶺在城北五十里上多雲氣廣東輿圖

大鴈山天河之主山在城北六十里新會志作東北八十餘里綿亘四十

餘里峯巒數十周四十里頂有清潭潭水瀉洩下有飛瀑最

高峯曰雞公眉與鳳皇山俱發脈於崑崙南脈緣於古蠶坳

北界分於黃龍岡西鶴山東新會天河諸村其東北第三峯

有大石倒懸崖上石底有小孔泉出涓涓不斷號滴水巖下

流數里匯眾水出大亨口達於海村人常蓄之可溉田十頃

大亨山上有石峭立如人狀號新婦石與滴水巖對其左右

小者亦如人為之婢媵北五里曰三重嶺有泉冬夏不竭據廣

東輿圖阮通志張府志新會志參修

崑山在城北張府志作西北六十五里有道人卓庵其上其巔有井

曰天井據輿地紀勝廣東輿圖參修

皂帽山在城北三十里歸德都峻峭如削陳獻章墓在其下

墓前水忽成湖湛若水名之曰自然湖張府志

金大峯在城東北三十里中樂都上有烽堠

橫江山在城東北六十里中樂都其山至三漚海中復起一

島俗以形似呼猪頭山

石山在城東北六十里橫江海旁峯圓而秀時有雲霞繚繞

其間俱同上

崙山在縣西北六十里上有白龍池故老云有龍飛騰於山

巔崙山與崑山並峙人合呼之為崑崙山頂有白龍池雲生

其中卽雨據廣東輿圖張府志輿地紀勝參修

象山在縣治西源清坊形如蹲象明萬厯初築外城跨山腰

相傳昔為石磯名象山角舟人視為險灘今山麓居民浚井

猶見斷纜折檣之屬一名金牛山昔有漁人見金牛帶索浮

水面見人驚遁入石山麓有金牛古廟廟左數十步有天后宮旁有大井居民仰汲於此歲旱不竭山石巉巖峭出環堵上有張為洗硯池池迤西為文昌宮下瞰二三丈累階數十級謂之百步梯文人多結社於此二月三日神誕官為致祭闔邑為文酒之會焉山麓有象山禪院白衣菴白山腰循城而西有山坡一所中秋夕人聚於此望秋月蓋周遭皆村樹惟此有缺處東望數百里直至大海汪洋無際申刻月從海中吞吐而上最稱奇觀惟天極淨時見文昌宮東有定帆亭今廢亭下有鳴山洞又東有壯哉亭今廢亭下有三廣公祠據府志新會張志參修

大雲山在城西里許禮義坊形如蟠龍雲氣旋遶之山麓龍興寺建自隋唐又有天妃宮六祖堂寺左有文昌宮九日登

高邑人士雅集於此西數百步為西關有元壇廟同上

雷電山在城西里許禮義坊今名雷霆山五峯環拱下有九

井上有蕭莊二節婦墓據明李以麟詩張府志新會志參修

螺頂山在城西十五里為潭墜村王山右出為蛇頭嶺左出

為岡猪岡背山麓有西竺菴菴左有井泉最宜茶新會志

石船山在縣西三十里潮透村山高峻上有大白石可十丈

新會志作表五尺橫三尺狀如船下復有巨石若盤藉之常積水偶樵婦

浴於此雷震之石亦震去一角又有學堂山與石船相對石

徑干尋下瞰無際大學堂山下為小學堂山據大清一統志阮通志張府志新會志參修

將軍山為大澤一方王山在縣西三十五里自潮居都燕子尖山迤邐向瀧水都與雙門迳山相接高大盤踞山南突起

將軍山為大澤一方王山在縣西三十五里自潮居都燕子尖山迤邐向瀧水都與雙門迳山相接高大盤踞山南突起

數峯曰馬尾曰小岡曰石牌東盡於海據大清一統志阮通志張府志新會志

龍山在縣西二里山有龍窟東西相望僅百步東山數穴宿

不可窺以石投之隱然不絕西山則玲瓏下屬表裏洞開總

於穴者九故老云為神龍出入地一云在縣西五里據方輿

大清一統志新會志參修

金山在縣西一百五十里唐志岡州以金岡而名其地產金

下有澗金坑有皆沃壤延袤八十里今皆為民田不復有金

坑矣西北有石洞曰金山巖深廣皆二丈巖頂瀑布其白如

練有盤石可坐數十人舊為鄉人游賞之處今為盜藪俗呼

鬼子窟據廣東輿圖方輿紀要參修

慧龍山在城西六十里石牌都地雖小阜而周圍一水潑洞

林木鬱葱中有月華寺張府志

曹幕山在城西八十五里黛色如幕又名阜幕山山界東莞

故東莞亦載此山據廣東輿圖阮通志參修

鳴山在縣西右曰象山石角峻响下瞰江水一名金斗山大清一統志

大清一統志

百峯山在城西南八十里萃嶽崔巍莫可名狀與古兜湯瓶

諸山綿亘數十里山深谷邃林木蒼蔚不逞之徒往來嘯聚

西自新甯延袤文章潮陽潮居瀧水諸都凡數十里層巒疊

嶂不可勝數故統謂之百峯中多材木其自沙萌七村支分

而出者為古兜山阮通志入新甯縣據張府志新會志參修

古兜山在縣西南八十里張府志最高峻東與厓山相峙西

與百峯山相連有峯曰湯瓶嘴湯瓶嘴以形似名文禽異木

多出其中又南有雙壁山高百餘丈廣十里即百峯之一支

魏峩聳拔前瞰大海旁臨潭澗與銅鼓角山相望

據大清一統志方

石逕山在城西南五十里潮陽都有巖如屋可容數十人列

石多類人獸前有筍山形如筍

據廣東輿圖阮通志張府志參修

六秀山在城西南六十里潮陽都林木鬱鬱下瞰大江

張府志

獅子山在城西南九十里後有石室曰寶光巖泉二道出石

中冬夏不竭

同上

三仙山在城西南五十里巖石層累奇偉過其下者膽驚急

步最上有巨石闐然橫出若檐翼因之作石室內寬丈餘深

二丈許祀三仙神石室內有流泉沸出味清冽東石壁有數

小竅俗云出米窟其南為金線坑巖創於張思仁時萬歷四

十年思仁孫懋烈求嗣於此夢神女錫以四果自稱錫嗣神

女懋烈果誕四子遂廓大其祠或曰三仙者劉三妹也至今

求嗣最驗

新會志

筍峯在城西南二十五里潭岡村旁翹秀聳翠為一方冠其

南尤峻削舊多巨杉名杉林東南石壁裂出名蟹泉甚甘冽

西有泉名漱玉山麓有筍峯古寺

同上

厓山在縣南八十里高四十二丈周八十餘里宋帝昺南狩

舟師次焉山巔有石刻張宏範等功前有奇石書元張宏範

滅宋於此明宏治中御史徐瑄改刻云宋帝及丞相陸秀夫

沈於石下今建全節廟大忠祠於山下一名厓門四面皆海

西與湯瓶嘴山對峙如門門以外即大海遙望大小螺珠虎

跳白浪諸島在空溟中僅如蒼煙數點宋紹興中置厓山寨

控扼烏猪大洋之險祥興初太傅張世傑奉帝昺自碭洲駐蹕於此上有宋行宮草市故址古今憑弔門闕僅里許每大南風起水從海外排闥而入怒濤奔突浪湧如山復為門所扼其勢益大故厓門春浪最奇觀海水有時清濁分二色據郭

通志張府志阮通志新會志參修

奇嶺在厓門東下有全節廟大忠祠左至海旁為楊太后陵山多龍桔樹高尺餘質堅韌而擁腫剝其皮龍跡宛然非刻鏤所及他處產者無之盃山又在全節廟旁畦隴間多古盃相傳帝昺時士卒二十餘萬用以飲食者今野老往往掘地得之以售於人一盃幾值一金有大小厚薄不一惜多破泐完者僅十之一耳出土須暴於日中方耐久其質近粗亦閱有精者北為下奇石距全節廟三里餘層累千百或圓或方

嵌空玲瓏如壁中窗格長約數十步每大風起眾竅嗚吼過者心為悸東有小土山峙石旁又北為上奇石去下奇石五里餘在海溢與波相激大小整斜不一高者二三丈如砥柱支撐即張宏範鐫字處新會志

熊子山在城南二十里熊音那三足鼈也山各有三足故名西熊洲東熊洲俱在縣南二十七里海上有孤山相對聳上山凡五在海中曰熊子曰鼠熊曰馬鞍熊曰東熊曰長熊通名為熊子山知縣周思稷更其名中曰中台山左曰天壽天新會志天祿右曰天福天馬新會志天祿併改縣境內鱣洲曰拱

奎巖洲曰合璧為文刻石鏡亭山頂有凌雲塔塔之東西南北俱有村山亦面面相向阮通志云郭棐之說山形如三足鼈即爾雅釋魚之能字當作能不當作熊讀奴來切非那音

也據郭通志寰宇記張府志新會志阮通志參修

九德山舊名九曲在縣南五十里湖居都延寰厓海中有飛

瀑成潭曲澗遶山而出名仙井陳獻章弟子湯霽嘗奉獻章

講學於此人因呼為學堂嶺又有龜山與來新嶺相峙及城

門頭諸山景頗幽勝張府志

湯瓶山在城南七十里瀧水都自新甯界五指山來歧峯橫

出嶽寄萬狀以形似名與厓山對峙據張府志新會志參修

仙湧山在城南二十里張府志作六里潮陽都地名羅坑本無山一夕

風雷震吼湧出數峯形小而圓有泉自石罅湧出故名山有

仙湧寺據廣東輿圖方輿紀要張府志阮通志參修

鱷洲山在城南三十八里張府志作東南三十里潮居都鱷洲海中下多蠔殼後

譌為鱷洲又南二里許曰罌洲山亦曰銀洲張府志

莫山在縣南八十里出鸚鵡太平寰宇記

謹案莫山諸志不載今不知所在

虎髻山在城南海中郝通志

西雄山在海中鵝洲山亦在海中張府志

馬山在縣東門外張府志作縣東宣化坊以形名下瞰文溪明洪武中

鑿山東北為城塹此山入城有雉堞跨山腰東馬山與西象

山對峙上有鐘樓大魁閣其右為學宮為陳白沙祠據大清一統志

黃通志張府志新會志參修

龍護山在縣東三十里中樂都山形四面旋繞下有龍湫左

有湧泉井據大清一統志張府志新會志參修

大嶺山在城東三十六里中樂都蔚然聳秀復越田澗隆起

為大嶺城昔鄉人避寇山巔賊斷其汲道鄉人偽作捕魚狀

先撒米網中已而大呼得魚網舉而米下賊遙見疑為水也遂去至今埔址尙在上有古松鄉人於此祠社張府志

金竹岡在棠下墟長里許岡產竹色如金故名新會志

龍淪山自金竹岡東出中有小山曰圓洲曰蝦山曰蒲魚洲

曰婆洲曰南山曰長洲曰石瀨昔皆河中洲也蕭前尹序曰

龍淪一脈直溯江門至今金竹儒林以為識

石瀨天后廟東北二里許有村曰河槎中隔一溪往來必以

渡昔有老嫗渡溪舟子憐其老出糍丸炒米餉之嫗去謂舟

子曰嗣有三人來慎勿渡之已而果至舟子固不應三人私

語曰此不能往盍往河槎未幾河槎一村遭疫石瀨無恙村

人歸功於神每歲正月家家糍丸炒米祀神於今不改俱同上

南山在城東二十里歸德都山圓如覆釜其南麓石上有巨

人跡前有葫蘆山以形似名張府志

潭波羅山在縣南六十里昔外國人嘗居此山潭波羅者番

語也寰宇記

赤泥嶺在城東三十里外海村陳獻章嘗讀書於此左出為

蟹山為陽山迤出有清瀾寺寺前有橫石長六七尺出土尺

餘以石扣之音如木魚號更鼓石海邊有臨江臺怪石蟠鬱

林木森陰西潦漲時濤撼湍激聲隱隱如雷右出為小平山

謝山新會志

天臺山在城西南二十里廣東輿圖方輿紀要俱作三十里自將軍山來崛

起數峯曰馬尾曰小岡曰梅岡曰石牌東盡於海山下舊為

義甯縣故址上有天臺寺又名茂山志云縣西南三十里有

將軍山山勢雄峻其脈蜿蜒而南至此突起數峯東盡海水



邊有舍人廟今人有眼疾禱於神立愈據廣東輿圖方輿紀要阮通志張府志新

會志參修

石牌山在天臺山東有石如牌方廣十餘丈山麓峭壁屹立榕樾如蓋旁有石高二丈許平廣可坐十數人每潮長則四圍浸灌如石浮水上舊志稱為釣魚臺張府志

蓬萊山張府志作蓬萊館山在城東北三十里中樂都與綠護屏相望

俗呼雙梅嶺上有懸路田丹井丹竈諸勝又北十里有石螺岡據阮通志張府志參修

古岡山在城隍廟前相傳隋設岡州於此舊有古松一株高數百尺黛色參天童童如蓋常有白鶴巢其上形家謂山如

印松為紐今四圍逼近民居山亦日形局促矣據阮通志張府志新會志

修參

洗馬潭冬春時水不及尺夏秋雨潦暴漲駛流洶涌勢如奔馬舊有石橋屢修屢圯兩岸皆沙土疏而不實惟此水潔白可愛每逢烈日積中望之如雪新會志

隆興觀後山山麓為隆興觀香火最盛寺前有紅棉一樹老榦參天三月花開詞人絡繹寺後為圭峯別業寺僧多居於此  
池 此前為荀林寺為惠泉亭迤西數百步為白蓮菴前有白蓮池

跌倒塔山勢騰踔雄視一方南為及石山亂山環繞如洞一山口入可以聚眾

孔雀山上有陳白沙祖墓明鄉賢尙書何熊祥墓

莊山山麓有宋忠武廟廟左有黃道娘墓又有萬人墳  
孖髻山山麓有市仔廟祀觀音廣不盈丈有茶肆往杜阮趁

墟者必憩於此遂以名之廟左有泉小如渠環廟前涓涓不絕味清冽行人多浣濯其下有義冢

五顯坑山麓有華光廟春秋官爲致祭地寬敞前環澗水上覆榕陰香火稱盛

馬鞍山逕路匪徒多聚於此

江門狗山一名蓬萊山有石廟祀北帝下瞰江門海帆檣如織歷歷可數山麓有墟有縣丞署左有時雨亭亭下有雪峯寺江邊有白沙釣臺雙篷小艇多泊於此以載游人蛋客喚渡聲喧不聞晝夜五六月閒西流暴漲數尺橫溢岸上奔湍箭激舟行如在險灘春秋閏潮平水碧月明風淡時兩岸燈影雜以歌聲與廣州海珠寺旁相髣髴右爲景賢寺上流爲各渡船艤櫂之所

古屯山右起有山椒凸聳如烽堠狀俗謂之煙壑山

合掌石高丈餘廣數尺兩卷如合掌一水中流潑洄清淺叢菁窈窕最稱幽勝盛夏人多往避暑上有觀音廟石上橫鐫小靈巖三字

鵝山山麓有關帝廟廟右有鵝山寺前臨紫水石狗嶺在綠護屏西山勢峻拔較神仙亞公牛脊諸嶺尤爲往來要道胙篋探囊常聚於上道光十八年設卡撥兵三十名防守賊匪斂跡

鑊蓋山西落字坑搶掠匪徒亦時聚此

響水橋山山麓有天后廟俯臨澗水石與水擊其聲清越農夫常築以灌田

三交峯上交中交下交名三交爲新會鶴山往來官道上交

下交俱一逕踰嶺惟中交險隘云

神仙跡負山臨澗一石蹲踞有足跡二几跡四麻筐水盆跡各一相傳仙女績麻處下有坦石廣可坐數十人林木陰翳往來皆憩於此右一石窟如碾藥槽清泉湧溢味冽而甘鳳皇山周遭十餘里形勢飛騰高盤千仞故名頂有寶鴨池有仙跡石足痕宛然右則大田古斗諸村左則跨積穀村後馬蹄諸岡至大瓶分界

牛郎山與織女山對峙甚小以形名天河村得名以此月嶺上有石雞高數尺夜半輒聞雞聲旁有拳石碎之狀如米石中有苔細如髮謂石雞之毛云

大嶺山自順德界礮頭頂山來迤東為大山坊北為烏石岡前為圭山俱界順德大山坊隔坑東為禾倉岡又迤東南為牛山

又為長岡嶺山麓有霞灣寺多梅花

蟠山下有萬善菴旁有古巷山腰斷處數百步喬木蔽空盛暑行人多憩於此

大富山海旁有洪聖廟康熙閒移界鄉人大恐請乩於神神示以香字人以香為干八日也後復界果然廟中有戰艦長僅數尺器械皆具嘉慶閒海寇犯潮連請於神置船海中鳴金伐鼓賊望之不敢犯每歲二月出巡決期於神人以卜歲豐歉早則豐遲則歉云

道北山有道北寺黃歸南在此坐化鄉人建祠祀之後有仙人蹟青膽石石勢磊砢突兀海上有廓然樓尖山西出有逕名山焦坑

七堡六祖廟前數里有小山名龜岡狀類木魚響則神著靈

驗村人立墟取其響也塘河村旁有北帝廟其像白石琢成相傳為帝昷所祀神云洋美村田中有石廣數尺號牛眠石遇巨風雨水出其上為淩沖等村科名之兆

仙掌石相傳仙人乘蟹而至蟹化為石大丈餘兩目螯爪皆具

白全萌村有汎村小而古北六里至仙洞塘有石寶鴨長四五尺相傳昔幻形夜啄畦稻人擊之斷其頸今斷處宛然又橫水村仙洞之東西三里山峽閒有石船橫架其上如橋上黑下白其舵向東與船絕肖長六十步橫十六步高五尺許下有流泉

厓門右為東礮臺下石巖有泉甚甘洌海水鹹不堪食嘉慶閒遷礮臺於此鑿石偶得之舊東礮臺下海中有石為天后

廟石廣約二丈長倍之古榕雜樹纏絡蔓延瑰詭巉巖卧立殊狀外復有怪石護之風浪激薄勢若動搖中建天后廟廟內有萬曆甲午廢鐘出水不過二尺許巨浪不能浸每遇大風雨人或見海鯨來朝云虎矢礮臺在梅角村山海旁海中與香山分界俱同上

謹案厓門南四十里赤鼻山為新會香山分界獨厓與厓門南北相望故名為新會香山新甯分界已列香山志中今不載

三水縣

朱祿岡縣城北縣龍入首山三水志

龍鳳岡在城內縣治即龍岡縣學即鳳岡大清一統志

魁岡在城東南一里形如圓珠舊名龜岡同上

七星岡在鴨浦水西一里濱於大江其西為青岡又西則為橫石將軍二嶺在城東四里七山如聯珠據阮通志廣東輿圖方輿紀要三水

橫石嶺在縣西南或作在縣西五里其南為將軍嶺有巨石出泉入江離城七里許秀峯千朵為縣治右屏將軍嶺城西南對河據大清一統志阮通志參修

城隍嶺上有蓮珠峯縣之鎮山也其下有金帽嶺城東六里許全體石峯卓立雄峙為縣左鎮俗名鐵帽嶺其後分一支至南逆轉為七星岡為縣治下關據方輿紀要三水志張府志參修

白塢岡在城西南里許舊有石塢數層據張府志三水志參修浮沈石在城東一里江上石上皆龜兆文廣東輿圖崑都山在城東南三里高三十丈周圍四里為縣治右屏蒼

江遶其下即古三水鎮今遺址尚存宋立斥堠於此廣州參謀劉領擒海鹽盜綦毋謹和尚於三水鎮是也據廣東輿圖方輿紀要三水志

雲秀山在城東五里一名象岡又東三里為石頂峯據廣東輿圖張府志

盧嶺在縣西北四十里張府志作四十五里鴨浦水為胥江對山南接四會縣界六祖盧能駐錫於此故名據廣東輿圖大清一統志阮通志張府志三水志

羅傘嶺在城西北四十餘里胥江都高數百丈頂上廣平數十畝登之可眇白雲羅浮飛來諸峯有瀑布飛流不絕據張府志三水志

界牌山在城西北九十里胥江上與清遠交界三水志

大路峽在縣南十里阮通志大路鄉兩山對峙江流其中為

西北捍門稍上有鼈魚灘漲潦甚急舟行戒焉大清一統志

三水志

蘇岡在城南三十里土名白坭三水志

大堯山在城南四十里清塘都上有巨人跡即堯山嶺南三

山之一也其陰當山之半黃牛石下為乳泉谷石池漫流四

時清冽同上

金洲山在城南四十里張府志作東北五十里白上都西江中流水中

突起周二百餘丈高五十餘丈舊名金洲岡又名金鐘岡下

有婆角灘東南岸為溪陵岡瀕西江有大石曰新婦石其下

鬱水西來會陶匯翁諸水經此南流入海大清一統志

三水志

麒麟石在南岸陳涌峯數丈前臨大江上有仙踪石中有巖

深廣數尺相傳求嗣多驗郝通志

仙蹟石在華山上寬平如掌有巨蹟俗傳李仙飛昇處同上

大望山在城北五十里胥江都張府志

龍波山在縣北三十五里三水志作五十三里一名花山其東為大望

山又東有九十九岡皆在蘆包水北大清一統志

大潭山在縣北四十里三水志作五十五里胥江都石壁數仞飛瀑如

練下瀦二潭左曰龍湫右曰天生塘方廣二三畝深七八尺

居民引以灌田歲旱禱雨多應據阮通志張府志三水志參修

九十九岡在城北五十五里胥江都三水志

龍坡山在城北五十三里胥江都即華山也下有地藏寺龍

真堂明增建文昌閣其上嘉慶十八年建大魁樓於山麓又

有真武廟廟前金沙井味極清冽前有青雲橋山之東北約二百步有雞騰圍舊傳李仙飛昇餘藥曰於其間鄰雞食之亦上昇故以名圃云據張府志三水志參修

謹案 大清一統志有龍波山無龍坡一名花山聲與華亦近阮通志云一名花山而龍坡仍未載惟府縣兩志詳有故蹟今姑仍之

玉鏡臺在胥江因環土壑為之上刻三字正德中猶存驛亭在其前民居環之多當鑪者清遠酒商集焉黃通志

清遠縣

鳳凰山在城內相傳昔有鳳凰棲此故名上有鳳凰臺又半里有釣鼇臺與水口鼇塔相望其陽為安遠驛又二里為柳煙灣夏潦病涉黎繼周始橋之清遠志

瑞峯在城北狀如太陽圓秀建學於此種松數千株為城後障日久樵採傷殘朱覲曦議雇看守咸豐六年賊攻城築礮臺於峯頂砍伐殆盡解圍後補植據張府志清遠志參修

覽岡在城北二十里

廣東輿圖

峽山在城東三十里一名中宿峽上有飛來寺即廣慶寺梁普通間建名山勝境為道書十九福地右有和光洞一名歸猿洞北有金芝巖前有凝碧灣其水紺碧左有犀牛潭一名金鎖潭又有釣鯉潭對山南頂上為縹幡嶺潦水又西南經中宿縣會一里水其處隘名為觀峽連山交枕絕岸壁竦時水洑至鼓怒沸騰觀峽一名觀亭山亦名中宿峽在縣東三十五里縣昔取此峽為名譚子和海嶠志云二月五月八月有潮上二禺峽逐浪返五羊一宿而至故曰中宿峽崇山峻

峙如壁太華中通江流廣慶寺居峽山之中有殿甚古梁武時物也舊傳黃帝二庶子善音律南採崑崙竹為黃鐘之管隱此山祠在東廡峽山在清遠之東山對峙江中秦趙胡曾釣得金鯉可重百斤貢之秦王有釣鯉臺東有尉佗萬人城觀亭山或云即峽山之支麓也又謂之尋峽姚氏云漢樓船將軍楊僕出尋峽峽去始興三百里近連山即此峽矣金芝巖在峽山北頂上唐開元中望氣者云五十里內有靈山發金草遣使求之獲靈芝鏗然作金聲因名巖內分三洞有石井深數十丈一洞有三石並立水滴其上而地竟不沾其下有穴穴有石燕南海古蹟記云開元中獲金芝二十四莖清遠志云金芝巖在今后岡墟一里許去峽山八里不與峽山連一云去縣九里又云在興仁鄉去縣十里知縣蘇君禱雨

立應建喜雨亭

阮通志清遠志

據水經注元和郡縣志太平寰宇記廣東輿圖輿地紀勝南海古蹟記方輿紀要黃通志

蓮花峽在興仁一圖去縣八里

張府志

石獅頭在城東十里后岡墟南形如獅子

清遠志

鷓鴣石在縣西南五里磊落江中水落則現或云鷓鴣日集其上故名

張府志

靜觀巖在峽山飛泉寺

俱同上

臥仙巖在飛泉洞左有石牀故名

飛泉洞在飛來寺圓通殿後渡石橋由綠雲樓入層崖瀑布怪石茂林不可名狀萬曆庚辰邑人朱士讚闢徑築臺其間

據張府志清遠志

參修

和光洞在中宿峽內有四色石榴花

寰宇記



獅子石在中宿峽北山頂上形如獅子故老相傳曰昔有僧居其石而無泉感老人指泉建玉泉寺梁西域跋多羅三藏法師到禺山見一老僧形容怪甚藏曰大德何來曰居此山中不知幾寒暑矣請藏過舍行可十里忽失僧所在藏曰異哉此聖僧也當覓其居復於東南阿見一怪石象如狻猊乃於石下三十步許建精舍名曰獅子臺今廢據寰宇記張府志參修達摩石在峽山寺西有石澗方丈許梁時祖師達摩西來經此山中禪坐石上故名康熙癸巳知縣孫繩祖改鐫談經石

據張府志清遠志參修

葛壇石在峽山寺西高數仞闊十餘丈相傳葛稚川常遊於此左右花竹成列積翠如圍石上鐫海闊天空四字擬唐人所刻舊築葛仙亭知縣孫繩祖改曰抱璞其上右側為瑤林

同上

龍磨角石在中宿峽西北其石細滑方圓二丈每年春有龍於此磨角有新舊痕宛然寰宇記

雲臺山在峽山古寺巔寬平約二丈許峭壁上篆雲臺二字相傳為羅隱所鐫舊志云常有五色祥雲出其上張府志

標幡嶺嶺南古蹟記作煙幡張府志作縹幡在峽山南頂上唐大厯間哥舒晃

叛廣州遣將平之夢神人謂曰見旛即回及賊平回師果見掛二旛乃知山神之助輿地紀勝

書堂坑在峽山寺東隔溪九龍峯下相傳黃帝一庶子隱此讀書邑人朱叔子為建二帝子讀書臺清遠志

歸猿洞在飛來寺後唐孫恪納妾袁氏後至寺袁以一碧環獻老僧少頃野猿數十捫蘿而至袁見之乃題詩化猿去僧

方悟乃向所畜猿繫頸物也清遠志

佛跡山在縣東興仁鄉山有大盤石石上有佛及獅象足舊

志云麓有佛跡寺今廢張府志

仙人石在縣東八十里濳江白沙塘村後上有仙人臥立跡

清遠志

鑼鼓石在縣東七十五里濳江下嶽一類鑼一類鼓故名相

傳地方擾攘則鳴

花山筆架在縣東八十里濳江鶴田東三峯如筆架與縣城

後筆架相類

雲屏山在縣東八十五里濳江浮梁村後頂有石壁長數丈

望如畫屏

馬跡山在縣東七十里濳江螺塘村有石方平面有馬跡四

隻故名俱同上

猢猻峽在縣東八十五里官莊水口林木鬱茂兩岸樹枝交

連常有猢猻攀懸往來故名張府志

古樓山在縣東八十五里濳江官莊墟上中有石門穹窿律

峯為濳江巨望清遠志

石鼓嶺在縣東八十五里濳二鄉層巒疊障峭壁長松中有

石室牖西戶東一石如懸鼓刻木扣之有聲

紗帽石在縣東八十六里濳江石鼓嶺後狀如帽故名左有

一石室能容二十人右有一石鼓大數丈相傳舊時更點分

明嘉靖甲子經雷震始不響

高逕定山在縣東九十里濳二鄉下西嶺村後旁有大石鼓

大毛氈仙人牀諸山擁護

木茶逕在縣東九十里濫二鄉兩山對峙高數十丈樹木陰翳道路崎嶇西側有穴石泉水流出作陂蓄聚灌蔭山外田數十畝俱同上

棋盤山去縣治一百里在濫江穩洞東北登其頂則從化英德皆見有石棋盤棋子采訪冊

石龍在縣東一百里穩洞上黎右一石盤曲而下青黃紅色鱗爪若龍

石甕在縣東一百里穩洞尾兩山夾澗有三石穴如甕形淵深莫測以巨石投之聲如洪鐘

清水逕在濫江去縣一百二十里山巒重疊相連數十里路由從化圍入上通佛岡龍盤舊置營汛把總一員帶兵八十名防守後移紮官莊汛房倒塌咸豐八年清平約紳耆以地

方幽僻捐資建復募鄉勇四十名巡緝列冊稟縣存案請撥兵二名同守邇來盜賊肅清行人無恐逕內高路村建有黃壽婦百歲坊俱同上

高逕山在濫江關前東去城一百二十五里由浮梁村入兩山夾澗迤邐四十里頂有茶亭歇鋪為清遠佛岡交界清遠志

大廟峽在縣東一百三十里吉河水口勢湍急河旁有廟舟過必禱故名同上

觀音山去縣東南一百五十里在吉河鄉高出諸山之上巔巒層疊石室虛敞有天成大士像張府志

謹案高逕山大廟峽觀音山阮通志俱載入佛岡廳今從張府志清遠志

王子嶺在縣東南四十里張府志作三十里濫江鄉一名雲騰嶺兩

峯並峙頂有石池其峯橫亘數十里迤邐而下有石突起峽中前有躍龍嶺嶺外特秀曰小塘山上有飛泉左有石室可棲石池秋冬不竭相傳王子求仙於此為學宮朝山據郝通志阮通志參修

清一統志張府志阮通志參修

北樓山在縣治東北山頂上有天池鄉人見龍躍水兩峯對峙俗名丫髻山清遠志

筆架山在縣東北十里三峯並聳形如筆架張府志

老熊山在筆架山內清遠志

馬頸山在縣東北十二里

黃藤峽在縣東北十二里俱同上

溱源山在縣西二十五里其水溱水出焉下有廟祀溱水神俗呼為秦王廟連山交枕絕峯竦壁下有廟面流蓋祀溱水

神也據郝通志張府志參修

天馬山在縣西四十里濱江峽橫鎖中流形如天馬與濱江書院相對清遠志

鷹山在濱江河洞大圍前如鷹舒兩翼故名

菱角尖山在濱江石馬堡

觀音尖山有二俱在濱江一在平岡奇石尖聳狀如文筆登眺眾山環繞一在新洲孤峯特起高出羣山之上

五指山在濱江平岡之北形如五指

望花樓在濱江新洲北袤延數十里上連英德

天塘山有二俱在濱江一在平岡墟山上田塘宅舍俱備一在筋竹堡魚塘田畝更廣且深茅廬數椽幽居勝境

老窩山在濱江塘坑洞上山高巖險內有架梯一巖高懸數

黃州府志 卷十二 輿地畧四

十丈又有一水巖甚深廣賊魁馮天寶曾恃此負固

將軍帽山在縣西四十里濱江逕口汛內奇石矗起形如兜

鍪乘輿馬至此皆下俱同上

迴岐山在城西南八十里高數十仞延袤數十里古名觀岐

高竦數十仞逶迤環抱有回顧縣治之狀據廣東輿圖方輿紀要阮通志張府

志參修

黃巢磯在城西南九十里相傳黃巢駐兵覆舟於此據郝通志張府

志阮通志參修

威整山在縣西南一百里張府志作城西一百里善化鄉其形森聳望

之儼然故名大清一統志

剗雞山在太平鄉近威整山清遠志

張山在迴岐與大小秦王相連絡

白茫山有石筍高二十餘丈腰十圍在善化鄉

西望山在善化鄉高數十仞中有仙女壇歲旱祈禱輒應

龜石在迴岐山對面兀立水中拱向縣治以形似故名

大和坑山在縣西北十六里澗水幽絕俱同上

臨漢峽清遠志作臨溪在縣西北五十里兩崖壁立延袤五十里其

陽建大觀亭方輿紀要

大羅山在縣西北一百四十里黃通志郭通志作城西西北二

里五相連者曰小羅山西接廣甯路通懷集獠獠集居其間

大清一統志

黃旗山在城南三十里形如屏障與鳳嶺對峙清遠志

神石在縣南三十里形勢雄厚為大燕水口巨鎮同上

馬頭山在縣南六十里大清一統志

燕子巖在馬頭山之麓巖高三丈許深如之廣二十丈昔有

羅鎮撫張千戶守營隱此得道今人呼為二官巖巖有飛玉

泉如雨秋冬不涸巖上產紫蘭萬年松張府志

白雲洞在清平蛇逕村之東兩山對峙一水中流內有耕耘

塢頂上有窩窩上有田數十畝林木茂鬱洞口如門邑人鄧

綽建白仙祠於上同上

尖岡在縣南清平鄉下有黃巢磯清遠志

大龍嶺在縣南靖定鄉峯巒屹峙如龍狀張府志

馬鞍山在縣北八片村後黃坑山在馬鞍山內清遠志

花尖山在縣北十六里奇峯峻拔上多花木大清一統志

帽山在縣北六十里形圓如帽有兩峯俗曰大帽山小帽山

案大帽山腳名運錢龍山腰有斧鑿痕兩旁峭壁深廣數丈

相傳前人見峯巒聳秀局面堂皇疑有霸王氣鋸斷之流紅

泉數日今形跡宛然大清一統志

玟杯石以圓石中裂形如玟故名縣舊志不載地名今考江

口墟東北二里許有玟杯石材名清遠志

花縣

花山在縣北重巒疊嶂綿亘數百里東接從化北通清遠

國朝置縣因以得名邑北諸山之統名大清一統志

百丈嶺在縣北四里許山石嶙峋其高千仞為縣治屏展縣

治發脈之祖俗稱百丈者極言其高也據阮通志張府志參修

百步梯在城北十六里萬山中險仄不可攀躋前人鑿山通

道故名康熙二十二年巡撫李益闢大之據郝通志張府志

盤古峒在城北二十五里萬山中林木蒼翳向為盜藪舊有

盤古廟今圯張府志

象山在縣西十五里羅村其形如象大小不一同上

了髻山在縣西南三十二里張府志清遠志俱作城西五十里獅嶺司西上

有粵壇早禱輒應相傳月仙女往來於此在縣治東南七十

里省西北九十里有瀑布雙岐飛流絕壁據大清一統志清遠志採訪

冊參修

獅子山在縣西南五十里遙望如獅騰躍空際據張府志大清一統志

參修

獨秀山在縣西五十里張府志清遠志俱作縣西南五十里卓峙平疇巖然聳

翠大清一統志

瑞雲山在縣西南四十里下有隆興古寺旁有潭曰鐘潭同上

中洞山在縣西南六十里高百餘仞青靄欲浮據大清一統志清遠志

參修

蝙蝠巖在縣西南五十里境高敞廳房皆備可觀可遊據郝張府志

張府志參修

石巖塘在縣西南一里與唐帽嶺並為邑治右輔據張府志大清一

統志參修

唐帽嶺在縣東南里許阮通志作東南一百里舊名紗帽嶺為邑治左

張府志輔

烏石巖在縣西南六十五里望之如墨外實中虛巔有仙人

壙大清一統志

孚山山上有白額城萬人城即尉佗所築城也

謹案阮通志云寰宇記孚山系於廣州下不書所屬

何縣今徧檢各志廣州境內無此山名姑附末以俟考

以上山

順德周寅清分纂

番禺金佑基初校

番禺史悠乾再校

番禺史悠履三校

番禺金偉基四校

廣州府志卷十二終



廣州府志  
卷十一

